


儀禮集釋

八







釋 集 禮 儀

(八)

撰 主 如 李

叢書集成初編

(補印本)

儀

禮

集

釋

八

冊

一九三九年十二月初版
一九六〇年一月補印

李如圭撰

商務印書館出版

上海虹口印刷廠印刷

儀禮集釋卷二十七

特牲饋食禮

席于戶內。

鄭注。爲主人鋪之。西面。席自房來。

主婦洗爵酌。致爵于主人。主人拜受爵。主婦拜送爵。

鄭注。主婦拜。拜于北面也。今文曰。主婦洗酌爵。

宗婦贊豆如初。主婦受。設兩豆兩籩。

鄭注。初。贊亞獻也。主婦薦兩豆籩。東面也。

俎入設。

鄭注。佐食設之。

主人左執爵。祭薦。宗人贊祭。奠爵。興取肺。坐絕祭。臍之。興加于俎。坐挽手。祭酒。啐酒。

鄭注。絕肺祭之者。以離肺長也。少儀曰。牛羊之肺。離而不提心。豕亦然。挽。拭也。挽手者。爲絕肺染汗也。

剝肺不挽手。案。剝。今注疏本作剝。古文挽皆作說。

釋曰。剝肺。付切之。直取以祭。離肺四面離割之。不絕其中央少許。時絕之以祭。下記。主人以下俎。皆離。

肺無刑肺。

肝從左執爵。取肝揆于鹽。坐振祭。嚼之。宗人受。加于俎。燔亦如之。興。席末坐卒爵。拜。

鄭注。于席末坐卒爵。敬也。一酌而備。再從而次之。亦均。

釋曰。尸再獻而具。肝從。主人一酌而肝燔從。與尸均坐振祭。重出坐字疑。

主婦荅拜。受爵酌醋。左執爵。拜。主人荅拜。坐祭立飲。卒爵。拜。主人荅拜。主婦出。反于房。

釋曰。主婦醋不更爵。殺也。

主人降洗酌。致爵于主婦。席于房中。南面。主婦拜受爵。主人西面荅拜。宗婦薦豆俎。從獻。皆如主人。主人

更爵酌醋。卒爵降。實爵于篚。入復位。

鄭注。主人更爵自酢。男子不承婦人爵也。祭統曰。夫婦相授受。不相襲處。酢必易爵。明夫婦之別。古文

更爲受。案。今注疏本訛作。今文授爲受。

釋曰。更爵。更房內之爵也。庭篚惟有二爵。其一獻尸爵止。其一主人致爵于主婦。少牢下篇。賓致爵于

主婦之俎。亦佐食設之。

三獻。作止爵。

鄭注。賓也。謂三獻者。以事命之作。起也。舊說云。賓入戶。北面。曰。皇尸請舉爵。

尸卒爵。酢酌獻祝及佐食。洗爵酌。致于主人。主婦燔從。皆如初。更爵。酢于主人。卒復位。

鄭注。洗乃致爵。爲異事新之。燔從皆如初者。如亞獻及主人主婦致爵也。凡獻佐食皆無從。其薦俎。獻兄弟以齒設之。賓更爵自酢。亦不承婦人爵。今文曰洗致。古文更爲受。案。今注疏本脫此十字。

釋曰。下記。佐食旅。旅齒于兄弟。故其薦俎亦然。賓三獻節中有十一爵。獻尸一。主婦致爵于主人。二。主婦自酢。三。主人致爵于主婦。四。主人自酢。五。尸卒爵酢賓。六。賓獻祝。七。獻佐食。八。賓致爵于主人。九。致爵于主婦。十。賓酢于主人。十一。

主人降階。西面拜賓。如初洗。

鄭注。拜賓而洗爵。爲將獻之。如初。如視濯時。案。今注疏本視上脫如字。主人再拜。賓荅拜。三拜衆賓。衆賓荅再拜者。

賓辭洗。卒洗。揖讓升。酌。西階上獻賓。賓北面拜受爵。主人在右荅拜。

鄭注。就賓拜者。此禮不主于尊也。賓卑則不專階。主人在右。統于其位。今文無洗。案。今注疏本脫此四字。

釋曰。賓有司耳。不得專階。故主人就而獻之。主人之位。在東。

薦脯醢。設折俎。

鄭注。凡節解者。皆曰折俎。不言其體。略云折俎。非貴體也。上賓幣。衆賓儀。公有司設之。釋曰。少牢下篇曰。司士設賓俎。羊幣。衆賓其香體儀也。儀者。儀度可用者用之。

賓左執爵祭豆奠爵興取肺坐絕祭嚼之興加于俎坐挽手祭酒卒爵拜主人荅拜受爵酌酢奠爵拜賓荅拜

鄭注主人酌自酢者賓不敢敵主人主人達其意

主人坐祭卒爵拜賓荅拜揖執祭以降西面奠于其位位如初薦俎從設

鄭注位如初復其位東面少牢饋食禮宰夫執薦以從設于祭東司士執俎以從設于薦東是則皆公有司爲之與

釋曰祭肺肺

衆賓升拜受爵坐祭立飲薦俎設于其位辯主人備荅拜焉降實爵于篚

鄭注衆賓立飲賤不備禮鄉飲酒記曰立卒爵者不拜既爵備盡盡人之荅拜

釋曰坊記曰尸飲三衆賓飲一示民有上下也因其酒肉聚其宗族以教民睦也

尊兩壺于阼階東加勺南枋西方亦如之

鄭注爲酬賓及兄弟行神惠不酌上尊卑異之就其位尊之兩壺皆酒優之先尊東方示惠由近禮運曰澄酒在下

釋曰旅酬禮襲不敢與神靈共尊故就賓及兄弟之位尊之不用玄酒澄酒在下人君禮也按司尊彝四時之祭皆有鬯諸臣之所酢少牢饋食禮上下大夫堂下皆無尊者辟人君士卑不嫌與人君同

主人洗觶。酌于西方之尊。西階前北面。酬賓。賓在左。

鄭注。先酌西方者。尊賓之義。

主人奠觶拜。賓荅拜。主人坐祭。卒觶拜。賓荅拜。主人洗觶。賓辭。主人對。卒洗酌。西面。賓北面拜。

鄭注。西面者。鄉賓位。立于西階之前。賓所荅拜之東北。

主人奠觶于薦北。

鄭注。奠酬于薦左。非爲其不舉行神惠。不可同于飲酒。

釋曰。鄉飲酒記云。凡奠者于左。將舉于右。

賓坐取觶。還東面。案。此下各本衍拜字。攷上經。賓北面拜。主人奠觶于薦北。下云。主人荅拜。荅賓北面之拜也。賓坐取觶。還東面。下乃云。賓奠觶于薦南。賓方執觶在手。不得拜明矣。主人荅拜。賓奠觶于薦南。揖復位。

復位。

鄭注。還東面。就其位。薦西。奠觶。薦南。明將舉。

釋曰。揖復位。則奠觶時。少南于位。

主人洗爵。獻長兄弟于阼階上。如賓儀。

鄭注。酬賓乃獻長兄弟者。獻之禮成于酬。先成賓禮。此主人之義。亦有薦爵設于位。私人爲之與。

釋曰。下記。公有司獻次衆賓。私臣獻次衆兄弟。賓薦俎。蓋公有司設之。兄弟薦俎。蓋私臣設之。

洗獻衆兄弟如衆賓儀。

鄭注。獻卑而必爲之洗者。顯神惠。此言如衆賓儀。則知獻衆賓洗明矣。

洗獻內兄弟于房中。如獻衆兄弟之儀。

鄭注。內兄弟。內賓宗婦也。如衆兄弟。如其拜受。坐祭立飲。設薦俎于其位而立。內賓。其位在房中之尊。

北案。今注疏本脫其字。不殊其長。略婦人也。有司徹曰。主人洗獻內賓于房中。南面拜受爵。

釋曰。下記。尊兩壺于房中西墉下。內賓立于其北。東面南上。宗婦北堂東面。

主人西面荅拜。更爵酢。卒爵。降實爵于篚。入復位。

鄭注。爵辯乃自酢。以初不殊其長也。內賓之長亦南面荅拜。

長兄弟洗觚爲加爵。如初儀。不及佐食。洗致如初。無從。

鄭注。大夫士三獻而禮成。多之爲加也。不及佐食。無從。殺也。致。致于主人主婦。

衆賓長爲加爵如初。爵止。

鄭注。尸爵止者。欲神惠之均于在庭。

嗣舉奠。盥入北面再拜稽首。

鄭注。嗣。主人將爲後者。舉猶飲也。使嗣子飲奠者。將傳重累之者。大夫之嗣子不舉奠。辟諸侯。

釋曰。奠。錮南所奠禫也。文王世子曰。宗廟之中。登餼獻受爵。則以上嗣。上嗣。君之適長子也。以此禮言。

之受爵。謂嗣舉奠。獻。謂舉奠洗酌入餒。謂宗人遣舉奠。盟。祝命之餒也。大夫之嗣無此禮。辟君。

尸執奠。進受復位。祭酒。啐酒。尸舉肝。舉奠。左執觶。再拜稽首。進受肝。復位。坐食肝。卒觶。拜。尸備荅拜焉。

鄭注。食肝受尊者賜。不敢餘也。備。猶盡也。每拜荅之。以尊者與卑者爲禮。略其文耳。古文備爲復。

釋曰。肝。酌尸所從獻者。舉奠者。嗣也。以事名之。

舉奠洗酌入。尸拜受。舉奠荅拜。祭酒。啐酒。奠之。舉奠出復位。

鄭注。啐之者。荅其欲酢己也。奠之者。復神之奠。觶。嗣齒于子姓。凡非主人。升降自西階。

釋曰。尸復神之奠。觶。故惟啐之。與按祭同時。

兄弟弟子洗酌于東方之尊。阼階前北面舉觶于長兄弟。如主人酬賓儀。

鄭注。弟子。後生也。

宗人告祭晉。

鄭注。晉。俎也。所告者。衆賓。衆兄弟。內賓也。案。今注疏本。兄弟上脫一衆字。獻時設薦俎于其位。至此禮。

又殺。告之祭。使成禮也。其祭皆離肺。不言祭豆。可知。

乃羞。

鄭注。羞。庶羞也。下尸載醢豆而已。此所羞者。自祝主人至于內賓。無內羞。

釋曰。少牢下篇。乃有內羞。此庶羞降于尸。無臠炙。少牢下篇曰。羞及私人。辯。

賓坐取觶。阼階前北面酬長兄弟。長兄弟在右。

鄭注：薦南奠觶。

釋曰：主人酬賓之觶。

賓奠觶拜。長兄弟荅拜。賓立卒觶。酌于其尊。東面立。長兄弟拜受觶。賓北面荅拜。揖復位。

鄭注：其尊，長兄弟尊也。此受酬者拜亦北面。

長兄弟西階前北面。衆賓長自左受旅。如初。

鄭注：旅，行也。受行酬也。初，賓酬長兄弟。

長兄弟卒觶。酌于其尊。西面立。受旅者拜受。長兄弟北面荅拜。揖復位。

釋曰：其尊，西面之尊。

衆賓及衆兄弟交錯以辯。皆如初儀。

鄭注：交錯，猶言東西。

釋曰：楚茨曰：獻酬交錯。禮儀卒度。笑語卒獲。古者于旅也。語謂此時。

爲加爵者作止爵。如長兄弟之儀。

鄭注：于旅酬之間言作止爵。明禮殺。竝作。

釋曰：賓酬長兄弟。長兄弟酬賓。二觶繼舉。至此禮殺。故不俟其畢而作止爵。

長兄弟酬賓。如賓酬兄弟之儀。以辯。卒受者實觶于篚。

鄭注。長兄弟酬賓。亦坐取其奠。觶。此不言交錯以辯。賓之酬。不言卒受者實觶于篚。明其相報。禮終于此。其文省。

釋曰。長兄弟亦取兄弟弟子所舉之觶。酬賓以相報。故互文以見之。

賓弟子及兄弟弟子洗。各酌于其尊。中庭北面西上。舉觶于其長。奠觶拜。長皆荅拜。舉觶者祭。卒觶拜。長皆荅拜。舉觶者洗。各酌于其尊。復初位。長皆拜。舉觶者皆奠觶于薦右。

鄭注。奠觶進奠之于薦右。非神惠也。今文曰奠于薦右。

長皆執以興。舉觶者皆復位。荅拜。長皆奠觶于其所。皆揖其弟子。弟子皆復其位。

鄭注。復其位者。東西面位。弟子舉觶于其長。所以序長幼。教孝弟。凡堂下拜。亦皆北面。

爵皆無算。

鄭注。算。數也。賓取觶酬兄弟之黨。長兄弟取觶酬賓之黨。惟己所欲。亦交錯以辯。無次第之數。因今接會。使之交恩定好。優勸之。

利洗散。獻于尸。酢及祝。如初儀。降實散于篚。

鄭注。利。佐食也。言利以今進酒也。更言獻者。以利侍尸禮將終。宜一進酒。嫌于加酒亦當三也。不致爵。禮又殺也。

主人出立于戶外西面。

鄭注：事尸禮畢。

祝東面告利成。

鄭注：利，猶養也。供養之禮成，不言禮畢于尸間之嫌。

尸謾祝前，主人降。

鄭注：謾，起也。前，猶導也。少牢饋食禮曰：祝入，尸謾，主人降，立于阼階東，西面，祝先，尸從，遂出于廡門前。

尸之儀，士虞禮備矣。

釋曰：楚茨曰：孝孫徂位，工祝致告，神具醉止，皇尸載起，致告，告利成也。

祝反及主人入，復位，命佐食徹尸俎，俎出于廡門。

鄭注：俎所載于所俎，少牢饋食禮曰：有司受歸之。

徹庶羞，設于西序下。

鄭注：爲將餽去之。庶羞，主爲尸，非神饌也。尙書傳曰：宗室有事，族人皆侍終日，大宗已侍于賓奠，然後

燕私，燕私者何也？祭已而與族人飲也。案：今注疏本脫祭字，此徹庶羞置西序下者，爲將以燕飲與，然

則自尸祝至于兄弟之庶羞，宗子以與族人燕飲于堂，內賓宗婦之庶羞，主婦以燕飲于房。

釋曰：楚茨曰：諸宰君婦廢徹不遲，諸父兄弟備言燕私。

筵對席。佐食分簋。鉶。

鄭注。爲將餽分之也。分簋者。分敦黍于會。爲有對也。敦。有虞氏之器也。周制。士用之。變敦言簋。容同。姓之士。得從周制耳。祭統曰。餽者。祭之末也。不可不知也。是故古之人有言曰。善終者如始。餽其是已。是故古之君子曰。尸亦餽鬼神之餘。案。此下今注疏本有也字。惠術也。可以觀政矣。

宗人遣舉奠及長兄弟盥。立于西階下。東面北上。祝命嘗食。饔者舉奠許諾。升入。東面。長兄弟對之。皆坐。佐食授舉各一膚。

鄭注。命。告也。士使嗣子及兄弟饔。其惠不過族親也。案。今注疏本脫也字。古文饔皆作餽。

釋曰。饔者。舉膚降于尸也。祭統曰。尸謾。君與卿四人餽。君起。大夫六人餽。大夫起。士八人餽。少牢饋食禮。二佐食及二賓長餽。

主人西面再拜。祝曰。饔有以也。兩饔奠舉于俎。許諾。皆荅拜。

鄭注。以。讀如何其久也。必有以也。以。祝曰饔。案。曰。今注疏本訛作告。釋辭以戒之。言女饔乎此。案。今注疏本脫乎字。當有所以也。以先祖有德而享于此祭。其坐饔其餘。亦當以之也。少牢饋食禮不戒者。非親昵也。舊說曰。主人拜下饔席南。

若是者三。

鄭注。丁寧戒之。

皆取舉祭食祭舉乃食祭鉶食舉

鄭注食乃祭鉶禮殺

釋曰食簋實也尸祭鉶嘗之乃爾黍

卒食主人降洗爵宰贊一爵主人升酌醕上簋上簋拜受爵主人荅拜醕下簋亦如之

鄭注少牢饋食禮曰贊者洗三爵酌案今注疏本脫酌字主人受于戶內以授次簋舊說云主人北面

授下簋爵

主人拜祝曰醕有與也如初儀

鄭注主人復拜爲戒也與讀如諸侯以禮相與之與言女醕此當有所與也與者與兄弟也既知似先

祖之德亦當與女兄弟謂教化之

兩簋執爵拜

鄭注荅主人也

祭酒卒爵拜主人荅拜兩簋皆降實爵于篚上簋洗爵升酌酢主人主人拜受爵

鄭注下簋復兄弟位不復升也

上簋卽位坐荅拜

鄭注既授爵戶內乃就坐

主人坐祭。卒爵拜。上饔荅拜。受爵降實于筐。主人出立于戶外西面。

鄭注。事餽者禮畢。

祝命徹俎。豆籩設于東序下。

鄭注。命佐食。俎。主人之俎。宗婦不徹豆籩。徹禮略。各有爲而已。設于東序下。亦將燕也。祝執其俎以出。東面于戶西。

鄭注。俟告利成。少牢下篇曰。祝告利成。乃執俎以出。

宗婦徹祝豆籩入于房。徹主婦薦俎。

鄭注。宗婦既竝徹。徹其卑者。士虞禮曰。祝薦席徹入于房。

佐食徹尸薦俎。敦設于西北隅。几在南。匪用筵。納一尊。佐食闔墉戶降。

鄭注。匪。隱也。不知神之所在。或諸遠人乎。尸謾而改饌爲幽闇。庶其饗之。所以爲厭飫。少牢饋食禮曰。

南面如饋之設。此所謂當室之白。陽厭也。則尸未入之前爲陰厭矣。曾子問曰。殤不備祭。何謂陰厭。陽

厭也。案。今注疏本謂訛作爲。

釋曰。釋宮曰。西南隅謂之奧。西北隅謂之屋漏。郭璞曰。奧者。室中隱奧之處。孫炎曰。屋漏者。當室之白。

日光所漏入也。厭者。無尸直厭飫神。尸未入。饌于奧。故曰陰厭。匪。謂以席爲障隱也。祭時匪西北隅。因

謂西北隅爲匪。喪大記曰。取西北匪薪。

祝告利成降出主人降卽位宗人告事畢賓出主人送于門外再拜。

鄭注拜送賓也凡去者不荅拜。

佐食徹阼俎堂下俎畢出。

鄭注記俎出節兄弟及衆賓自徹而出惟賓俎有司俎歸之尊賓也案也今注疏本訛作者。

釋曰賓出主人拜送明賓不自徹也曲禮曰凡祭于公者必自徹其俎。

記特牲饋食其服皆朝服玄冠緇帶緇鞞。

鄭注于祭服此也皆者謂賓及兄弟筮日筮尸視濯亦玄端至祭而朝服朝服者諸侯之臣與其君日視朝之服大夫以祭今賓兄弟緣孝子欲得嘉賓尊客以事其祖禰故服之緇鞞者下大夫之臣夙興主人服如初則固玄端。

釋曰凡朝服素鞞。

惟尸祝佐食玄端玄裳黃裳雜裳可也皆爵鞞。

鄭注與主人同服周禮士之齊服有玄端素端然則玄裳上士也黃裳中士雜裳下士。

釋曰可者惟其所當服服之。

設洗南北以堂深東西當東榮。

鄭注榮屋翼也。

鄭注祖天地之左海案左今注疏本訛作右

籩在洗西南順實二爵二觚四觶一角一散

鄭注順從也言南從統于堂也二爵者爲賓獻爵止主婦當致也二觚長兄弟及衆賓長爲加爵二人班同宜接竝也案宜今注疏本作迎四觶一酌奠其三長兄弟酬賓卒受者與賓弟子兄弟弟子舉觶于其長禮殺事相接禮器曰貴者獻以爵賤者獻以散尊者舉觶卑者舉角舊說云爵一升觚二升觶三升角四升散五升

釋曰賓獻尸之爵止主人當致爵于主婦故爵二長兄弟與衆賓長班同接竝爲加爵宜各用一觚故觚二長兄弟酬賓之觶未奠于籩賓弟子及兄弟弟子已各舉觶于其長其一觶酌奠于鏹南故觶四壺於禁饌于東序南順覆兩壺焉蓋在南明日卒奠冪用綌卽位而徹之加勺

鄭注覆壺者盞瀝水且爲其不宜塵冪用綌以其堅絜禁言櫛者祭尙厭飫得與大夫同器不爲神戒也

釋曰卒奠酌奠奠于鏹南時卽位尸卽席坐時鄉飲酒賓至徹冪禮器曰禮有以下爲貴者天子諸侯之尊廢禁大夫士櫛禁玉藻曰大夫側尊用櫛士側尊用禁櫛無足禁有足士卑故以禁戒爲稱櫛又曰斯禁鄉飲酒鄉射雖大夫以非祭禮猶曰斯禁至祭乃名曰櫛士祭禮言櫛禁得與大夫同名

籩巾以紵也。纁裏棗烝栗擇。

鄭注。籩有巾者。果實之物。多皮核。優尊者。可烝裏之也。烝擇互文。舊說云。纁裏者。皆玄被。

釋曰。聘禮竹筩案。此下原本缺。

鏘芼。用苦若薇。皆有滑。夏葵。冬苴。

鄭注。苦。苦茶也。苴。苴屬。乾之。冬滑于葵。詩云。周原膾膾。苴茶如飴。今文苦爲芡。芡乃地黃。非也。

釋曰。內則曰。苴苴以滑之。

棘心匕刻。

鄭注。刻。若今龍頭。

釋曰。詩大東曰。有捄棘匕。

牲饗在廡門外東南。魚腊饗在其南。皆西面。饗饗在西壁。

鄭注。饗。炊也。西壁。堂之西牆下。舊說云。南北直屋。椳。稷在南。

斯俎。心舌皆去本末。午割之。實于牲鼎。載心立舌。縮俎。

鄭注。午割。從橫割之。亦勿沒立。縮。順其性。心舌知食味者。欲尸之饗。此祭。是以進之。

釋曰。一從一橫曰午。四面皆鄉中割之。

沃尸盟者一人奉槃者東面執匱者西面淳沃執巾者在匱北。

鄭注匱北執匱之北亦西面每事各一人淳沃稍注之今文淳作激。

宗人東面取巾振之三南面授尸卒執巾者受。

鄭注宗人代授巾庭長尊。

尸入主人及賓皆辟位出亦如之。

鄭注辟位遂遁。

嗣舉奠佐食設豆鹽。

鄭注肝宜鹽也。

佐食當事則戶外南面無事則中庭北面。

鄭注當事將有事而未至。

凡祝呼佐食許諾。

鄭注呼猶命也。

宗人獻與旅齒于衆賓。

鄭注尊庭長齒從其長幼之次。

佐食于旅齒于兄弟。

釋曰：祭統曰：凡賜爵，昭爲一，穆爲一，昭與昭齒，穆與穆齒，及羣兄弟。

尊兩壺于房中西墻下南上。

鄭注：爲婦人旅也。其尊之節，亞西方。

釋曰：尊壺于西方，已乃尊于房。

內賓立于其北，東面南上。宗婦北堂，東面北上。

鄭注：二者所謂內兄弟、內賓、姑姊妹也。宗婦，族人之婦，其夫屬于所祭爲子孫，或南上，或北上。宗婦宜

統于主婦，主婦南面北堂中房而北。

主婦及內賓宗婦亦旅西面。

鄭注：西面者，異于獻也。男子獻于堂上，旅于堂下，婦人獻于南面，旅于西面。內賓象衆賓，宗婦象兄弟。

其節與其儀，依男子也。主婦酬內賓之長，酌奠于薦左。內賓之長，坐取奠于右。宗婦之娣婦，舉觶于其

娣婦，亦如之。內賓之長，坐取奠，觶酬宗婦之娣，交錯以辯。宗婦之娣，亦取奠，觶酬內賓之長，交錯以辯。

內賓之少者，宗婦之娣婦，各舉觶于其長，竝行交錯，無算其拜及飲者，皆西面于主婦之東南。案：今注

疏本脫于字。

鄭注。雍。孰肉。以尸享祭。竈有功也。舊說云。宗婦祭饁饔。享者祭雍饔。用黍肉而已。無籩豆俎。禮器曰。燔燎于饔。夫饔者。老婦之祭。盛于盆。尊于瓶。

賓從尸俎出。廂門乃反位。

鄭注。賓從尸送尸也。士之助祭。終其事也。俎。尸俎也。賓既送尸。復入反位者。宜與主人爲禮。乃去之。尸俎。右肩臂。肱。肱。胛。正脊二骨。橫脊。長脊二骨。短脊。

鄭注。尸俎。神俎也。士之正祭。禮九體。貶于大夫。有併骨二。亦得十一之名。合少牢之體數。此所謂放而不致者。凡俎實之數。奇脊無中脊。無前貶于尊者。不貶正脊。不奪正也。正脊二骨。長脊二骨者。將舉于尸。尸食未飽。不欲空神俎。

釋曰。尸餽鬼神之餘。故謂神俎爲尸俎也。尸先舉正脊。次舉長脊。故皆二骨。少牢饋食禮。又有脰脊代脊。爲十一體。

膚三。

鄭注。爲饔用二。厭飫一也。

離肺一。

鄭注。離。猶揜也。小而長。午割之。亦不提心。謂之舉肺。

刑肺三。

鄭注爲尸主人主婦祭。今文刑爲切。

釋曰尸酢主人。主人不絕祭。知用尸俎之刑肺。

魚十有五。

鄭注魚水物。以頭枚數。陰中之物。取數于月十有五。日而盈。少牢饋食禮亦云。十有五而俎。尊卑同。此所謂經而等也。

腊如牲骨。

鄭注不但言體。以有一骨二骨者。

祝俎。髀脰。脊二骨。脅二骨。

鄭注。凡接于神及尸者。俎不過牲三體。以特牲約。加其可併者二。亦得奇名。少牢饋食禮。羊豕各三體。釋曰。脅蓋代脅也。與脰脊皆尸俎所不備者。

膚一。離肺一。胾俎。臂正脊二骨。橫脊長脅二骨。短脅。

鄭注。主人尊。欲其體得祝之加數。五體。又加其可併者二。亦得奇名。臂。左體臂。

膚一。離肺一。主婦俎。穀折。

鄭注。穀後足折。分後右足以爲佐食俎。不分左臠折。辟大夫妻。古文穀皆作穀。案今注疏本脫此六字。其餘如胾俎。

佐食俎。爓折脊脅。

鄭注。三體卑者從正。

釋曰。無加骨也。脊脅不名。無定體。

膚一。離肺一。賓骼。長兄弟及宗人折其餘如佐食俎。

鄭注。骼。左骼也。賓俎全體。尊賓不用尊體。爲其已甚。卑而全之。其宜可也。長兄弟及宗人折。不言所分略之。

釋曰。祝佐食接神。賓三獻。長兄弟爲加爵。宗人庭長授巾。皆接尸。而祝爲尊。故祝五體而餘皆三體。衆賓長亦爲加爵。接于尸。蓋亦三體。下文惟衆賓殺胥耳。

衆賓及衆兄弟。內賓宗婦。若有公有司。私臣皆殺胥。

鄭注。又略。此所折骨。直破折餘禮。可殺者升之俎。一而已。不備三者。賤祭禮。接神者貴。凡骨有肉者殺。祭統曰。凡爲俎者。以骨爲主。貴者取貴骨。賤者取賤骨。貴者不重。賤者不虛。示均也。俎者。所以明惠之。必均也。案。今注疏本脫明字。善爲政者如此。故曰見政事之均焉。公有司。亦士之屬。命于君者也。私臣。自已所辟除者。

釋曰。禮器曰。羔豚而祭。百官皆足。大牢而祭。不必有餘。此之謂稱。百官。謂衆助祭者。

膚一離肺一公有司門西北面東上獻次衆賓私臣門東北面西上獻次兄弟升受降飲

鄭注獻在後者賤也祭祀有上事者貴之非執事者亦皆與旅

釋曰擇公有司以爲賓者衆賓位西階下執祭事其不執事者則在門西兄弟雖無上事亦在堂下西面族親故也宗人獻與旅齒于衆賓則公有司爲之佐食齒于兄弟其選于私臣與公有司私臣薦俎蓋徒隸爲之

儀禮集釋卷二十八

少牢饋食禮第十六

鄭目錄云。諸侯之卿大夫。祭其祖禰于廟之禮。羊豕曰少牢。少牢于五禮屬吉禮。大戴第八。小戴第十。一。別錄第十六。

少牢饋食之禮

鄭注。禮將祭祀。必先擇牲。繫于牢而芻之。羊豕曰少牢。諸侯之卿大夫祭宗廟之牲。日用丁巳。

鄭注。內事用柔日。必丁巳者。取其令名。自丁寧。自變改。皆爲謹敬。必先諏此日。明日乃筮。筮旬有一日。

鄭注。旬十日也。以先月下旬之巳。筮來月上旬之巳。

筮于廟門之外。主人朝服。西面于門東。史朝服。左執筮。右抽卜。兼與筮執之。東面受命于主人。

鄭注。史。家臣主筮事者。

釋曰。主人朝服者。服祭服以筮也。特牲筮日。主人亦服祭時玄端。司服職曰。享先王則袞冕。祭義曰。易抱龜南面。天子袞冕北面。則天子卜祭亦服其祭服。雜記。大夫士筮宅。史練冠長衣以筮。筮。著也。

主人曰。孝孫某來日丁亥。用薦歲事于皇祖伯某。以某妃配某氏。尙饗。

鄭注。丁未必亥也。直舉一日以言之耳。禘于大廟。禮曰。日用丁亥。不得丁亥。則己亥辛亥亦用之。無則苟有亥焉。可也。薦。進也。進歲時之祭事也。皇君也。伯某。祖字也。大夫或因字爲諡。春秋傳曰。魯無駭卒。請諡與族。公命以字爲展氏。是也。其仲叔季。亦曰仲某叔某季某也。某妃。某妻也。合食曰配。某氏。若言姜氏子氏也。尙。庶幾饗歆也。

釋曰。夏小正曰。丁亥。萬用入學。案。原本訛作萬入大學。據大戴禮記改正。丁亥者。吉日也。筮不同士禮贊命者。蓋辟君。

史曰。諾。西面于門。西。抽下鞶。左執筮。右兼執鞶。以擊筮。

鄭注。將問吉凶焉。故擊之以動其神。易曰。著之德。園而神。

遂述命曰。假爾大筮有常。孝孫某來日丁亥。用薦歲事于皇祖伯某。以某妃配某氏。尙饗。

鄭注。述。循也。重以主人辭告筮也。假。借也。言因著之靈以問之。常。吉凶之占繇。

乃釋鞶立筮。

鄭注。卿大夫之著。長五尺。立筮由便。

卦者在左坐。卦以木。卒筮。乃書卦于木。示主人。乃退占。

鄭注。卦者。史之屬也。卦以木者。每一爻。畫地以識之。六爻備。書于板。史受以示主人。退占。東面旅占之。

釋曰。示主人。石本上有以字。

吉。則史韞筮。史兼執筮與卦。以告于主人。占曰從。

鄭注。從者。求吉得吉之言。

乃官戒。宗人命滌。率命爲酒。乃退。

鄭注。官戒。戒諸官也。當共祭祀事者。使之具其物。且齊也。滌。漑濯祭器。掃除宗廟。

若不吉。則及遠日。又筮日如初。

鄭注。及。至也。遠日。後丁若後己。

宿。

鄭注。宿。讀爲肅。肅。進也。大夫尊。儀益多。筮日。旣戒諸官。以齊戒矣。案。矣。今注疏本訛作也。至前祭一日。

又戒以進之。使知祭日當來。古文宿皆作差。

釋曰。申戒爲宿。宿諸官宜在宿尸之後。宿尸之夕爲期。則宿前于祭一日。

前宿一日。宿戒尸。

鄭注。皆肅諸官之日。又先肅尸者。重所用爲尸者。又爲將筮。

明日朝筮尸。如筮日之儀。案。儀。唐石經及原本皆作禮。從今注疏本。命曰。孝孫某。來日丁亥。用薦歲事于

皇祖伯某。以某妃配某氏。以某之某爲尸。尙饗。筮卦占如初。

鄭注某之某者。字尸父而名尸也。字尸父。尊鬼神也。不前期三日筮尸者。大夫下人君。祭之朝乃視濯。與士異。

釋曰。周禮大宰。享先王。則掌百官之誓戒。前期十日。帥執事而卜日。遂戒。祭統曰。散齋七日。以定之。致齋三日。以齊之。先期旬有一日。宮宰宿夫人。夫人亦散齋七日。致齋三日。則天子諸侯。前祭十日卜日。而戒。諸官散齋。前期三日。致齋。士卑亦前期三日。筮尸。不嫌與人君同。惟不得散齋七日耳。大夫不敢同君。散齋九日。前祭一日。乃筮尸而致齋。

吉。則乃遂宿尸。祝擯。

鄭注。筮吉。又遂肅尸。重尸也。既肅尸。乃肅諸官及執事者。祝爲擯者。尸神象。

主人再拜稽首。祝告曰。孝孫某。來日丁亥。用薦歲事于皇祖伯某。以某妃配某氏。敢宿。

鄭注。告尸。以主人爲此事來肅。案。今注疏本脫肅字。

尸拜。許諾。主人又再拜稽首。主人退。尸送揖。不拜。

鄭注。尸不拜者。尸尊。

釋曰。祝釋辭。尸乃拜。異于士。

若不吉。則遂改筮尸。

鄭注。卽改筮之不及遠日。

既宿尸反爲期于廣門之外。

鄭注爲期肅諸官而皆至定祭早晏之期爲期亦夕時也。言既肅尸反爲期明大夫尊肅尸而已其爲賓及執事者使人肅之。

釋曰特牲饋食禮親宿賓。

主人門東南面宗人朝服北面曰請祭期主人曰比于子。

鄭注比次早晏在于子也。主人不西面者大夫尊于諸官有君道也爲期亦惟尸不來也。

宗人曰且明行事主人曰諾乃退。

鄭注且明且日質明。

釋曰周禮雞人凡國事爲期則告之時謂此且明之時。

明日主人朝服卽位于廣門之外東方南面宰宗人西面北上牲北首東上司馬刲羊司士擊豕宗人告備乃退。

鄭注刲擊皆謂殺之此實既省告備乃殺之文互者省也。案今注疏本作省文也。尙書傳曰案今注疏

本脫曰字羊屬火豕屬水。

雍人概鼎匕俎于雍饗雍饗在門東南北上。

鄭注雍人掌割烹之事者饗竈也在門東南統于主人北上羊豕魚腊皆有竈竈西有饗凡概者皆陳

之而後告絜。

廩人概甑。甑匕與敦于廩爨。廩爨在雍爨之北。

鄭注。廩人掌米入之藏者。甑如甑一孔匕所以匕黍稷者也。古文甑爲烝。

釋曰。甑無底甑也。

司宮概豆。籩勺爵觚。觶几洗。篚于東堂下。勺爵觚。觶實于篚。卒概。饌豆籩與篚于房中。放于西方。設洗于阼階東南。當東榮。

鄭注。放猶依也。大夫攝官。司宮兼掌祭器也。

羹定。雍人陳鼎五。三鼎在羊鑊之西。二鼎在豕鑊之西。

鄭注。魚腊從羊。膚從豕。統于牲。

司馬升羊右胖。髀不升。肩臂。臑。膊。胙。正脊一。脰脊一。橫脊一。短脊一。正脊一。代脊一。皆二骨以竝。腸三。胃三。舉肺一。祭肺三。實于一鼎。

鄭注。升猶上也。上右胖。周所貴也。髀不升。近竅。賤也。肩臂臑膊胙。股骨。脊從前爲正。脊旁中爲正。脊先前。脊先後。屈而反。猶器之竝也。竝併也。脊脊骨多。六體各取二骨併之。以多爲貴。舉肺一。尸食所先舉也。祭肺三。爲尸主人主婦。古文胖皆作辯。髀皆作脾。今文竝皆爲併。

各取神案。此下原本缺。

司士升豕右胖。脾不升。肩臂臠。膊。胙。正脊一。脰脊一。橫脊一。短脅二。正脅二。代脅一。皆二骨以竝。舉肺一。祭肺三。實于一鼎。

鄭注。豕無腸胃。君子不食鬪腴。

釋曰。養牛羊曰芻。犬豕曰豢。豢亦作鬪。犬豕食米穀。腸胃有似人穢。

雍人倫膚九。實于一鼎。

鄭注。倫。擇也。膚。脅革肉。擇之。取美者。

釋曰。膚。豕肉也。

司士又升魚腊。魚十有五。而鼎腊一。純而鼎腊用麋。

鄭注。司士又升副倅者。合升左右胖曰純。純猶全也。

釋曰。升鼎同時。下經云。司士三人。升魚腊膚。

卒齊皆設扃。乃舉。陳曾于廟門之外。東方北。面北上。

鄭注。北面北上。鄉內相隨。古文鬲皆爲密。

司宮尊兩甒于房戶之間。同椽。皆有幕。案。幕各本訛作幕。據唐石經改正。甒有玄酒。

鄭注。房戶之間。房西室戶東也。椽無足。禁者。酒戒也。大夫去足改名。優尊者。若不爲之戒。然。古文甒皆

作庶。今文冪作冪。

司宮設盥水于洗東。有料。設篚于洗西南肆。

鄭注。料。盥水器也。凡設水用盥沃盥用料。禮在此也。

改饌豆。籩于房中。南面。如饋之設。實豆籩之實。

鄭注。改。更也。爲實之更之。威儀多也。如饋之設。如其陳之左右也。饋設東面。

釋曰。如設于奧時。

小祝設槃匱與篋巾于西階東。

鄭注。爲尸將盥。

主人朝服卽位于阼階東。西面。

鄭注。爲將祭也。

司宮筵于奧。祝設几于筵上。右之。

鄭注。布陳神坐也。室中西南隅謂之奧。席東面近南爲右。

主人出迎鼎。除冪。士盥。舉鼎。主人先入。

鄭注。道之也。主人不盥不舉。

司宮取二勺于篚。洗之。兼執以升。乃啓二尊之蓋。冪于椽上。加二勺于二尊。覆之。南柄。

鄭注。二尊。兩甒也。今文啓爲開。古文柄皆爲枋。案。今注疏本脫啓爲開。古文皆共六字。

釋曰。玄酒亦有勺。重古。如酌者然。

鼎序入。雍正執一匕以從。雍府執四匕以從。司士合執二俎以從。司士贊者二人皆合執二俎以相從入。

鄭注。相助。

釋曰。雍正。雍官之長。府。其屬也。鼎一匕。二俎。正俎五。與所俎而六。陳鼎于東方。當序。南于洗。西皆西。面北上。膚爲下。匕皆加于鼎。東枋。

鄭注。膚爲下。以其加也。南于洗。西。陳于洗西南。

釋曰。榮在序外。鼎當序。洗當榮。膚升鼎先魚腊。從其牲陳之在下。如其次。

俎皆設于鼎西。西肆。所俎在羊俎之北。亦西肆。

鄭注。所俎在北。將先載也。異其設文。不當鼎。

釋曰。所俎不言在羊鼎西。知不當鼎。

宗人遣賓就主人。皆盥于洗。長枛。

鄭注。長枛者。長賓先。次賓後也。主人不枛。言就主人者。明親臨之。古文枛作匕。

釋曰。此臣也。而曰賓者。祭以得賓客之助爲榮也。禮運曰。仲尼與于蜡賓。

佐食上利升牢心舌。載于所俎。心皆安下。切上。午割勿沒。其載于所俎。末在上。舌皆切本末。亦午割勿沒。

其載于所橫之皆如初爲之于爨也。

鄭注。牢。羊豕也。安平也。平割其下于載便也。凡割本末。食必正也。午割。使可絕也。案。今注疏本脫也字。勿沒。爲其分散也。所之爲言敬也。所以敬尸也。周禮。祭尙肺。事尸尙心。舌。心。舌。知滋味。今文切皆爲刲。釋曰。凡言牢者。羊豕具有也。午割。從橫割之。勿沒。不絕其中。中央少許。在爨制之已然。特牲饋食禮曰。所俎。心。舌。皆去本末。午割之。實于牲鼎。載。心。立。舌。縮。俎。論語曰。割不正不食。

佐食遷所俎于阼階。西。縮。乃反。佐食二人。上利升羊。載右。脾。髀。不升。肩。臂。臠。膊。骼。正脊一。脰。脊一。橫脊一。短脊一。正脊一。代脊一。皆二骨以竝。腸三。胃三。長。皆及俎。拒。舉肺一。長。終肺。祭肺三。皆切。肩。臂。臠。膊。骼。在兩端。脊。脊。肺。肩。在上。

鄭注。升之以尊卑。載之以體次。各有宜也。拒。讀爲介。距之距。俎距。脛中當橫節也。凡牲體之數及載備于此。

釋曰。俎距。謂中俎足爲橫距。猶雞距也。凡牲體。前脛骨三。肩。臂。臠也。後脛骨三。膊。骼。殼也。脊骨三。正脊。脰。脊。橫脊也。脊骨三。代脊。長脊。短脊也。膊。臠之案。此下原本缺。

下利升豕。其載如羊。無腸胃。體其載于俎。皆進下。

鄭注。進下。變于食生也。所以交于神明。不敢以食道。敬之至也。鄉飲酒禮。進腩。羊次其體。豕言進下。互相見。

釋曰。骨有本末。進腠。進本也。進下。進末也。

司士三人。升魚。腊。膚。魚用鮓。十有五而俎。縮載。右首。進腠。

鄭注。右首。進腠。亦變于食生也。有司載魚。橫之。少儀曰。羞濡魚者。進尾。

釋曰。凡載魚。皆右首。食生。則寢右而進。鬻下。篇賓尸。魚橫于人爲縮。蓋進其尾也。又與此正祭異。腊一純而俎。亦進下。肩在上。

鄭注。如羊豕。凡腊之體。載禮在此。

膚九而俎。亦橫載。革順。

鄭注。列載于俎。令其皮相順。亦者。亦其骨體。

釋曰。牲體進下。則俎亦橫載于此。互見之。

卒。晉。祝盥于洗。升自西階。主人盥。升自阼階。祝先入。南面。主人從。戶內西面。

鄭注。將納祭也。

主婦被錫衣。侈袂。薦自東房。韭菹。醯醢。坐奠于筵前。主婦贊者一人。亦被錫衣。侈袂。執葵菹。羸醢。以授主婦。主婦不興。遂受。陪設于東。韭菹在南。葵菹在北。主婦興。入于房。

鄭注。被錫。讀爲髻鬢。古者或剔賤者刑者之髮。以被婦人之髻爲飾。因名髻鬢焉。此周禮所謂次也。不纒笄者。大夫妻尊。亦衣縮衣。而侈其袂耳。侈者。蓋半士妻之袂。以益之。袂三尺三寸。祛尺八寸。韭菹醢。

醢朝事之豆也。而饋食用之。豐大夫禮。葵菹在北。紉。今文錫爲緡。羸爲蝸。

釋曰。追師有次。次第髮之長短爲之。亦見士昏禮。婦贊者一人。亦被錫衣。侈袂。則其餘如士之妻。纚笄。宵衣耳。士妻與助祭婦人同宵衣。無異服者。禮窮則同故也。袂。袖也。袂。袂。袂。袂。二尺二寸。袂尺二寸。朝事薦血腥之事也。周禮醢人朝事八豆。有韭菹醢。饋食八豆。有葵菹羸醢。士饋食禮。惟取葵菹羸醢。豐大夫禮。故兼取朝事二豆。豆皆右菹左醢。而此葵菹在北者。與韭菹紉設之。采蘋詩曰。于以奠之。宗室牖下。王肅以爲大夫妻助祭。采蘋藻以爲菹。設之于奧。奧卽牖下。朝士當作朝事。佐食上利執羊俎。下利執豕俎。司士三人執魚腊膚俎。序升自西階。相從入。設俎。羊在豆東。豕亞其北。魚在羊東。腊在豕東。特膚當俎北端。

鄭注相助也。

主婦自東房。執一金敦黍。有蓋。坐設于羊俎之南。婦贊者執敦稷。以授主婦。主婦興受。坐設于魚俎南。又興受贊者敦黍。坐設于稷南。又興受贊者敦稷。坐設于黍南。敦皆南首。主婦興入于房。

鄭注。敦有首者。尊者器飾也。飾蓋象龜。周之禮。飾器各以其類。龜有上下甲。今文曰。主婦入于房。祝酌奠。遂命佐食啓會。佐食啓會蓋二以重。設于敦南。

鄭注。酌奠。酌酒爲神奠之後。酌者。酒尊。要成也。特性饋食禮曰。祝洗酌奠。奠于鏞南。重累之。釋曰。饌由尊者而成。故酒後設之。下經鏞設于韭菹之南。此時鏞未設。故奠處亦空其文。

主人西面。祝在左。主人再拜稽首。祝曰：孝孫某，敢用柔毛剛鬣，嘉薦普淖，用薦歲事于皇祖伯某。以某妃配某氏，尚饗。主人又再拜稽首。

鄭注：羊曰柔毛，豕曰剛鬣，嘉薦，嘉薦，菹醢也。普淖，黍稷也。普，大也。淖，和也。德能大和，乃有黍稷。春秋傳曰：奉粢以告曰絜粢豐盛，謂其三時不害而民和年豐也。

釋曰：曾子問曰：宗子爲士，庶子爲大夫，其祭也如之何？孔子曰：以上牲祭于宗子之家。祝曰：孝子某爲介子某薦其常事。若宗子有罪，居于他國，庶子爲大夫，其祭也。祝曰：孝子某使介子某執其常事。羊肥則毛柔，豕肥則鬣剛，盛音成。

祝出迎尸于廣門之外。主人降立于阼階東，西面。祝先入門右，尸入門左。

鄭注：主人不出迎尸，伸尊也。特牲饋食禮曰：尸入，主人及賓皆辟位，出亦如之。祝入門右者，辟尸盟也。既則後尸。

釋曰：不迎尸，伸尸之尊。

宗人奉槃，東面于庭南。一宗人奉匱水，西面于槃東。一宗人奉篋巾，南面于槃北。乃沃尸盥于槃上，卒盥。坐奠篋，取巾，興，振之三，以授尸。坐取篋，興，以受尸巾。

鄭注：庭南，沒霤。

釋曰：尸盥設于西階東，尸入門左，至門內霤。侍盥者奉器就之。門內霤在庭之南。特牲饋食禮曰：尸入

門左北面盥亦繼門言之。

祝延尸尸自西階入祝從。

鄭注由後詔相之曰延延進也。周禮曰大祝相尸禮祝從從尸自西階。

主人升自阼階祝先入主人從。

鄭注祝接神先入宜也。

尸升筵祝主人西面立于戶內祝在左。

鄭注主人由祝後而居右尊也。祝從尸尸卽席乃卻居主人左。

祝主人皆拜妥尸尸不言尸荅拜遂坐。

鄭注拜妥尸拜之使安坐也。尸自此荅拜遂坐而卒食其閒有不啐奠不嘗鉶不告旨大夫之禮尸彌

尊也不告旨者爲初亦不饗所謂曲而殺。

釋曰不嘗鉶不嘗豕鉶也不饗祝不釋勸強之辭蓋辟人君。

祝反南面。

鄭注未有事也。隋祭爾敦案隋各本訛作墮下同據釋文改正官各肅其職不命。

尸取韭菹辯擗于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸受同祭于豆祭。

鄭注：牢，羊豕也。同合也。合祭于俎豆之祭也。黍稷之祭爲隋祭。將食神餘，尊之而祭之。今文辯爲徧。釋曰：切肺祭肺也。神俎祭肺二，取其一也。言牢者，羊豕兼取之。俎豆當作菹豆。

上佐食舉尸，牢肺正脊以授尸。上佐食爾，上敦黍于筵上，右之。

鄭注：爾，近也。或曰移也。右之，使尸食也。重言上佐食，明更起不相因。

釋曰：牢肺，離肺也。授尸下，賈氏有尸受祭肺四字，不設大羹者，大羹爲尸，不爲神。賓尸乃有之。

主人羞胙俎，升自阼階，直于膚北。案：直，各本訛作置，據釋文改正。

鄭注：羞，進也。胙，敬也。親進之。主人敬尸之加。

上佐食，羞兩錡，取一羊錡于房中，坐設于韭菹之南，下佐食，又取一豕錡于房中，以從。上佐食受，坐設于

羊錡之南，皆芼，皆有柶，尸扱以柶祭羊錡，遂以祭豕錡，嘗羊錡。

鄭注：芼，菜也。羊用苦，豕用薇，皆有滑。

釋曰：苦、薇、滑，見公食記。

食舉

鄭注：舉，牢肺正脊也。先食啗之，以爲道也。

三飯

鄭注：食以黍。

釋曰。飯扶晚切。下同。

上佐食舉尸牢幹尸受振祭。嚼之。佐食受加于所。

鄭注。幹。正脅也。古文幹爲肝。

上佐食羞。載兩瓦豆。有醢。亦用瓦豆。設于薦豆之北。

鄭注。設于薦豆之北。以其加也。四豆亦絳。羊載在南。豕載在北。無腫臙者。尙牲不尙味。

釋曰。絳者。羊載北醢。醢東豕載。載南醢。

尸又食食。載上佐食舉尸一魚。尸受振祭。嚼之。佐食受加于所。橫之。

鄭注。又復也。或言食。或言飯。食大名。小數曰飯。魚橫之者。異于肉。

釋曰。魚縮俎。今則橫之。牲橫載加于所。其縮之與。

又食上佐食舉尸腊肩尸受振祭。嚼之。上佐食受加于所。

鄭注。腊魚皆一舉者。少牢二牲。略之。腊必舉肩。以肩爲終也。別舉魚腊。崇威儀。

釋曰。特牲魚腊皆竝時三舉。肩尊牲體。亦後舉之。

又食上佐食舉尸牢幣如初。

鄭注。如舉幹也。

又食。

鄭注。不舉者。卿大夫之禮。不過五舉。須侑尸。

尸告飽。祝西面于主人之南。獨侑。不拜。侑曰。皇尸未實。侑。

鄭注。侑。勸也。祝獨勸者。更則尸飽。實猶飽也。祝既侑。復反南面。

尸又食。上佐食舉尸牢肩。尸受。振祭。嚼之。佐食受。加于胔。

鄭注。四舉牢體。始于正脊。終于肩。尊于終始。

尸不飯。告飽。祝西面于主人之南。

鄭注。祝當贊主人辭。

主人不言拜侑。

鄭注。祝言而不拜。主人不言而拜。親疏之宜。

釋曰。周禮大祝辨九拜以享侑祭祀。

尸又三飯。

鄭注。爲祝一飯。爲主人三飯。尊卑之差。凡十一飯。案。凡今注疏本訛作尸。下人君也。

釋曰。下。尸稼切。

上佐食受尸牢肺正脊。加于胔。

鄭注。言受者。尸授之也。尸受牢幹而實舉于菹豆。食畢。操以授佐食焉。

釋曰。菹豆。韭菹之豆。

主人降洗爵。升北面酌酒。乃酌尸。尸拜受。主人拜送。

鄭注。酌。猶羨也。既食之而又飲之。所以樂之。古文酌作酌。

尸祭酒。啐酒。賓長羞牢肝。用俎。縮執俎。肝亦縮。進末。鹽在右。

鄭注。羞。進也。縮。從也。鹽在肝右。使尸揆之。古文縮爲蹙。

釋曰。鹽在右。據賓長西面設者而言。于尸爲鹽在左。右取肝。鄉左揆之。

尸左執爵。右兼取肝。揆于俎。鹽振祭。嚼之。加于菹豆。卒爵。主人拜。祝受尸爵。尸荅拜。

鄭注。兼。兼羊豕。

釋曰。少儀曰。其有折俎者。取祭反之。不坐。燔亦如之。尸則坐。

祝爵授尸。尸醋主人。主人拜受爵。尸荅拜。主人西面奠爵。又拜。

鄭注。主人受酢酒。俠爵拜。彌尊尸。

上佐食取四敦黍稷。下佐食取牢一切肺。以授上佐食。上佐食以綏祭。

鄭注。綏。或作按。按。讀爲墮。將受嘏。亦尊尸餘而祭之。古文綏爲斲。案。綏。各本訛作墮。據經云。以綏祭。又

後注云。綏亦當作按。古文爲斲。可證此墮字乃綏之訛。

主人左執爵。右受佐食。坐祭之。又祭酒。不興。遂啐酒。

鄭注。右受佐食。右手受墮于佐食也。至此言坐祭之者。明尸與主人爲禮也。尸恒坐。有事則起。主人恒立。有事則坐。

祝與二佐食皆出。盥于洗。入。二佐食各取黍于一敦。上佐食兼受。搏之。以授尸。尸執以命祝。

鄭注。命祝以嘏辭。

卒命。祝祝受以東。北面于戶西。以嘏于主人。曰。皇尸命工祝。承致多福。無疆于女。孝孫。來女。孝孫。使女受祿于天。宜稼于田。眉壽萬年。勿替引之。

鄭注。嘏。大也。予主人以大福。工。官也。承。猶傳也。來。讀曰釐。釐。賜也。耕種曰稼。勿。猶無也。替。廢也。引。長也。言無廢止時。長如是也。古文嘏爲格。祿爲福。眉爲微。替爲袂。袂或爲裁。裁替聲相近。

釋曰。詩天保曰。吉蠲爲饌。是用孝享。禴祠烝嘗。于公先王。君曰卜爾。萬壽無疆。楚茨曰。工祝致告。徂賁。孝孫苾芬。孝祀神嗜飲食。卜爾百神。如幾如式。既齊既稷。既匡既勅。永錫爾極。時萬時億。卜子也。此皆序嘏主人之辭。

主人坐奠爵。興。再拜稽首。興。受黍。坐振祭。嚼之。詩懷之。實于左袂。挂于季指。執爵以興。坐卒爵。執爵以興。坐奠爵。拜。尸荅拜。執爵以興。出。宰夫以籩受齎。黍。主人嘗之。納諸內。

鄭注。詩猶承也。實于左袂。便右手也。季。猶小也。出。出戶也。宰夫。掌飲食之事者。收斂曰齎。明豐年。乃有黍稷也。復嘗之者。重之至也。納。猶入也。古文挂作卦。

主人獻祝設席南面祝拜于席上坐受。

鄭注室中迫狹。

釋曰亦變于尸。

主人西面荅拜。

鄭注不言拜送下尸。

釋曰下尸嫁切後下尸同。

薦兩豆菹醢。

鄭注葵菹羸醢。

佐食設俎牢髀橫脊一短脅一腸一胃一膚三魚一橫之腊兩髀屬于尻。

鄭注皆升下體祝賤也魚橫者四物共俎殊之也腊兩髀屬于尻尤賤不殊。

釋曰髀橫脊短脅皆下體也四物羊豕魚腊腊升左右胙故尻在兩髀中連屬之。

祝取菹揆于醢祭于豆閒祝祭俎。

鄭注大夫祝俎無肺祭用膚遠下尸不嚼之膚不盛。

釋曰大夫尸尊祝無祭肺又無離肺其祭用膚與餒者同耳。

祭酒啐酒肝牢從祝取肝揆于鹽振祭嚼之不興加于俎卒爵興。

鄭注亦如佐食授爵乃興不拜既爵大夫祝賤也。

主人酌獻上佐食上佐食戶內牖東北面拜坐受爵主人西面荅拜佐食祭酒卒爵拜坐授爵興。

鄭注不啐而卒爵者大夫之佐食賤禮略。

釋曰授石本作受。

俎設于兩階之間其俎折一膚。

鄭注佐食不得成禮于室中折者擇取牢正體餘骨折分用之有脊而無薦亦遠下戶。

釋曰無肺又無菹醢。

主人又獻下佐食亦如之其胥亦設于階閒西上亦折一膚。

鄭注上佐食既獻則出就其俎特性記曰佐食無事則中庭北面謂此時。

有司贊者取爵于篚以升授主婦贊者于房戶。

鄭注男女不相因特性饋食禮曰佐食卒角主人受角降反于篚。

婦贊者受以授主婦主婦洗于房中出酌入戶西面拜獻尸。

鄭注入戶西面拜由便也不北面者辟人君夫人也拜而後獻者當俠拜也昏禮曰婦洗在北堂直室。

東隅。

釋曰特性主婦北面拜凡大夫所辟者士多得與君同卑不嫌也。

尸拜受主婦主人之北西面拜送爵。

鄭注：拜于主人之北西面，婦人位在內，此拜于北，則上拜于南矣。案：此今注疏本訛作也，脫矣字，由便也。

尸祭酒卒爵，主婦拜，祝受尸爵，尸答拜，易爵，洗酌授尸。

鄭注：祝出易爵，男女不同爵。

主婦拜受爵，尸荅拜，上佐食綏祭，主婦西面于主人之北受祭，祭之，其綏祭如主人之禮，不嘏，卒爵拜，尸荅拜。

鄭注：不嘏，夫婦一體，綏亦當作授，古文爲𠄎。

主婦以爵出，贊者受，易爵于篚，以授主婦于房中。

鄭注：贊者，有司贊者也，易爵亦以授婦，贊者，婦贊者受房戶外，入授主婦。

主婦洗酌獻，祝拜，坐受爵，主婦荅拜于主人之北，卒爵，不興，坐授主婦。

鄭注：不俛拜，下尸也，今文曰祝拜受。

主婦受酌獻，上佐食于戶內，佐食北面拜，坐受爵，主婦西面荅拜，祭酒卒爵，坐授主婦，主婦獻下佐食，亦如之，主婦受爵以入于房。

鄭注：不言拜于主人之北，可知也，爵奠于內篚。

賓長洗爵獻于尸。尸拜受爵。賓戶西北面拜送爵。尸祭酒。卒爵。賓拜。祝受尸爵。尸荅拜。祝酌授尸。賓拜受爵。尸拜送爵。賓坐奠爵。遂拜。執爵以興。坐祭。遂飲。卒爵。執爵以興。坐奠爵。拜。尸荅拜。賓酌獻祝。祝拜。坐受爵。賓北面荅拜。祝祭酒。啐酒。奠爵于其筵前。

鄭注。啐酒而不啐爵。祭事畢。示醉也。不獻佐食。將償尸。禮殺。釋曰。啐爵當作卒爵。

主人出立于阼階上。西面。祝出立于西階上。東面。祝告曰。利成。鄭注。利。猶養也。成。畢也。孝子之養禮畢。

釋曰。特牲饋食禮。戶外告利成。此禮于階上。尊者彌遠于尸。

祝入尸謾。主人降立于阼階東。西面。

鄭注。謾。起也。謾。或作休。

祝先尸從。遂出于廡門。

鄭注。事尸之禮。訖于廡門外。

釋曰。尸在廡門外。則疑于臣。故送逆尸。皆以廡門爲斷。

祝反復位于室中。主人亦入于室。復位。祝命佐食徹所俎。降設于堂下阼階南。

鄭注。徹。所俎不出門。將償尸也。所俎而以償尸者。其本爲不反魚肉耳。不云尸俎。未歸尸。

釋曰。特牲饋食禮。佐食徹尸俎。出于廟門。卽此所俎。司宮設對席。乃四人饔。

鄭注。大夫禮。四人餽。案。餽。今注疏本作養。明惠大也。

上佐食盥升。下佐食對之。賓長二人備。

鄭注。備。四人餽也。三餽亦盥升。

釋曰。上佐食坐尸之處。

司士進一敦黍于上佐食。又進一敦黍于下佐食。皆右之于席上。

鄭注。右之者。東面在南。西面在北。

資黍于羊俎兩端。兩下是餽。

鄭注。資。猶減也。減置于羊俎兩端。則一賓長在上佐食之北。一賓長在下佐食之南。今文資作齋。

釋曰。餽當如上下文作饔。

司士乃辯舉。饔者皆祭黍祭舉。

鄭注。舉。舉膚。今文辯爲徧。

主人西面三拜饔者。饔者奠舉于俎。皆荅拜。皆反取舉。

鄭注。三拜。旅之。示徧也。言反者。拜時或去其席。在東面席者。東面拜。在西面席者。皆南面拜。

釋曰。在西面者與主人同面。故南面拜。

司士進一鬴于上。饔。又進一鬴于次。饔。又進二豆。滫于兩下。乃皆食。食舉。

鄭注。滫。肉汁也。

釋曰。神坐止有羊豕二鬴。故兩下進滫也。皆食。食黍也。食舉。食麋。

卒食。主人洗一爵。升酌。以授上。饔。贊者洗三爵。酌。主人受于戶內。以授次。饔。若是以辯。皆不拜。受爵。主人

西面三拜。饔者。饔爵。皆荅拜。皆祭酒。卒爵。奠爵。皆拜。主人荅壹拜。

鄭注。不拜受爵者。大夫。餼者。賤也。荅壹拜。略也。古文壹爲一也。

釋曰。周禮九拜有奇拜。謂一拜也。荅。臣下之拜。

饔者三人興出。

鄭注。出。降實爵于篚。反賓位。

上饔止。主人受上饔爵。酌以醋于戶內。西面坐。奠爵。拜。上饔荅拜。坐祭酒。啐酒。

鄭注。主人自酢者。上饔獨止。當尸位。尊不酌也。

上饔親啐。曰。主人受祭之福。胡壽保。建家室。

鄭注。親啐。不使祝。授之亦以黍。

主人興。坐。奠爵。拜。執爵以興。坐。卒爵。拜。上饔荅拜。上饔興出。主人送。乃退。

鄭注送佐食不拜賤

儀禮集釋卷二十九

有司徹第十七

鄭目錄云。少牢之下篇也。上大夫既祭。饋尸于堂之禮。若下大夫祭畢。禮尸于室中。無別行饋尸于堂之事。天子諸侯之祭。明日而繹。有司徹于五禮屬吉禮。案今注疏本脫禮字。大戴第九。小戴第十二。別錄少牢下篇第十七。

有司徹

鄭注。徹室中之饋及祝佐食之俎。卿大夫既祭而饋尸。禮崇也。饋尸則不設饌西北隅。以此薦俎之陳。有祭象而亦足以厭飫神。天子諸侯。明日祭于祊而繹。春秋傳曰。辛巳有事于太廟。仲遂卒于垂。壬午猶繹。是也。爾雅曰。繹又祭也。

掃堂

鄭注。爲饋尸新之。少儀曰。汎埽曰埽。埽席前曰拊。

司宮攝酒

鄭注。更洗益整頓之。今文攝爲聶。

乃燚尸俎

鄭注。燔也。溫尸俎于饗。所亦溫焉。獨言溫尸俎。則祝與佐食不與儻尸之禮。古文燔皆作尋。記或作燔。春秋傳曰。若可燔也。亦可寒也。

釋曰。燔。說文曰。于湯中燻肉也。尸俎。神俎也。尸所舉。肩髀加于所者。下皆復載于俎。知所俎亦燔。卒燔。乃升羊豕魚三鼎。無腊與膚。乃設局。陳鼎于門外如初。

鄭注。腊爲庶羞。膚從豕。去其鼎者。儻尸之禮。殺于初。如初者。如廣門之外。東方北面北上。今文局爲鉉。古文鼎爲密。

乃議侑于賓。以異姓。

鄭注。議猶擇也。擇賓之賢者。可以侑尸。必用異姓。廣敬也。是時主人及賓有司已復內位。古文侑皆作宥。

宗人戒侑。

鄭注。戒猶告也。南面告于其位。戒曰。請子爲侑。

侑出。俟于廣門之外。

鄭注。俟待也。待于外。當與尸更入。主人興禮事尸。極敬心也。

司宮筵于戶西南面。

鄭注。爲尸席也。

又筵于西序東面。

鄭注爲侑席也。

釋曰尸侑席位與鄉飲酒賓介之位同。

尸與侑北面于廣門之外西上。

鄭注言與殊尊卑北面者賓尸而尸益卑西上統于賓客。

主人出迎尸宗人擯。

鄭注賓客尸而迎之主人益尊擯贊。

釋曰鄉者祝擯尸神象今宗人擯賓尸也。

主人拜尸荅拜主人又拜侑侑荅拜主人揖先入門右。

鄭注道尸。

尸入門左侑從亦左揖乃讓。

鄭注沒霤相揖至階又讓。

釋曰沒霤至門內霤。

主人先升自阼階尸侑升自西階西楹西北面東上。

鄭注東上統于其席。

釋曰。異于門外西上也。戶西之席東上。侑席亦西于尸席。

主人東楹東。北面拜至。尸荅拜。主人又拜侑。侑荅拜。

鄭注。拜至喜之。

乃舉。

鄭注。舉。舉鼎也。舉者不盥。殺也。

司馬舉羊鼎。司士舉豕鼎。舉魚鼎。以入。陳鼎如初。

鄭注。如初。如阼階下西面北上。

雍正執一匕以從。雍府執二匕以從。司士合執二俎以從。司士贊者亦合執二俎以從。匕皆加于鼎。東枋。

二俎設于羊鼎西。西縮。二俎皆設于二鼎西。亦西縮。

鄭注。雍正。羣吏掌辨體名肉物者。府其屬。凡三匕。鼎一匕。四俎爲尸。侑。主人。主婦。其二俎設于豕鼎魚

鼎之西。陳之宜具也。古文縮皆爲蹙。

釋曰。四俎皆載羊體之正俎。而分陳二鼎西者。欲使鼎具有俎。

雍人合執二俎。陳于羊俎西。竝皆西縮。覆二疏匕于其上。皆縮俎。西枋。

鄭注。竝。併也。其南俎。司馬以羞羊匕滫。羊肉滫。其北俎。司士以羞豕匕滫。豕肉滫。豕膾。滫魚。疏匕。匕柄

有刻飾者。古文竝皆作併。

釋曰。二俎上有匕。知以羞匕。滂既則以羞羊肉滂。豕膋下經。羊肉滂載于南俎。匕滂皆次賓羞之。侑魚滂。司馬羞之。而概云司馬司士者。因司馬割羊。司士擊豕。而統言之。疏者。疏通刻飾之名。明堂有疏屏。豕肉滂三字衍。卽豕膋也。

主人降受宰几。尸侑降。主人辭。尸對。

鄭注。几所以坐安體。周禮大宰。掌贊玉几玉爵。

宰授几。主人受。二手橫執几。揖尸。

鄭注。獨揖尸。几禮主于尸。

主人升。尸侑升復位。

鄭注。位。阼階賓階上位。

主人西面。左手執几。縮之。以右袂推拂几。三。二手橫執几。進授尸于筵前。

鄭注。衣袖謂之袂。案。此下。今注疏本有拂者。外拂之也。六字。推拂。去塵示新。

尸進。二手受于手閒。

鄭注。受從手閒。謙也。

主人退。尸還几。縮之。右手執外廉。北面奠于筵上。左之。南縮。不坐。

鄭注。左之者。異于鬼神。生人陽。長左。鬼神陰。長右。不坐奠之者。几輕。

主人東楹東北面拜。

鄭注拜送几也。

尸復位尸與侑皆北面荅拜。

鄭注侑拜者從于尸。

主人降洗尸侑降尸辭洗主人對卒洗揖主人升尸侑升尸西楹西北面拜洗主人東楹東北面奠爵荅拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵。

鄭注降盥者爲土汚手不可酌。

主婦自東房薦韭菹醢坐奠于筵前菹在西方婦贊者執菹醢以授主婦主婦不興受陪設于南菹在東方與取籩于房糝蕡坐設于豆西當外列糝在東方婦贊者執白黑以授主婦主婦不興受設于初籩之南白在西方與退。

鄭注菹菹本也韭菹醢醢菹菹木麋糝糝熬麥也蕡熬泉實也白熬稻黑熬黍此皆朝事之豆籩大夫無朝事而用之儻尸亦豐大夫之禮主婦取籩與者以饌異親之當外列辟錮也退退入房也。

釋曰先獻後薦異于祭也陪設重列之也籩人掌朝事之籩其實糝蕡白黑醢人掌朝事之豆其實韭菹醢菹本麋糝凡無骨爲醢有骨爲糝當外列糝在菹菹西韭菹西以俟亞獻設錮。

乃升。

鄭注升牲體于俎也。

司馬杞羊亦司馬載載右體肩臂肫骼臠正脊一脰脊一橫脊一短脊一正脊一代脊一腸一胃一祭肺一載于一俎。

鄭注言鬯尸俎復序體者明所舉肩骼存焉亦著脊脊皆一骨也臠在下者折分之以爲肉濟貶也案貶今注疏本訛作俎一俎謂司士所設羊鼎西第一俎。

釋曰此尸之羊正俎也復肩骼于俎與正祭神俎同其異者脊脊腸胃祭肺皆一又無舉肺且折分其臠故降臠在骼下第一俎謂羊鼎西之南俎羊肉濟俎在豕俎之南知尸俎亦在侑俎南。

羊肉濟臠折正脊一正脊一腸一胃一臠肺一載于南俎。

鄭注肉濟肉在汁中者以增俎實爲尸加也必爲臠折上所折分者臠肺離肺也南俎雍人所設在南者此以下十一俎俟時而載于此歷說之爾今文濟爲汁。

釋曰此羊加俎也以肉初在濟中故異其名曰羊肉濟臠折折分正俎之臠也凡祭肺切之臠肺離之祭肺祭而不臠臠肺臠而亦祭祭肺尊故加俎用臠肺祭肺又名切肺剗肺臠肺又名臠肺舉肺南俎羊俎西之南俎尸羊俎以下凡十二俎其四俎尸侑主人主婦之正俎餘八俎以雍人所設二俎往還載之。

司士柝豕亦司士載亦右體肩臂肫骼臠正脊一。脰脊一。橫脊一。短脊一。正脊一代脊一。膚五。臍肺一。載于一俎。

鄭注。臠在下者。順羊也。俎。謂雍人所設在北者。

釋曰。此豕脊也。豕無正俎。不折臠。臠亦在下。順上文也。

侑俎。羊左肩。左肫。正脊一。脊一。腸一。胃一。切肺一。載于一俎。侑俎。豕左肩折。正脊一。脊一。膚三。切肺一。載于一俎。

鄭注。侑俎用左體。侑賤。其羊俎過三體。有肫。尊之。加也。豕左肩折。折分爲長兄弟俎也。切肺亦祭肺。互言之。爾。無羊。濟下尸也。豕又祭肺。不臍肺。不備禮。俎。司士所設羊鼎西之北俎也。豕俎與尸同。

釋曰。體數奇而侑羊俎四體。尊侑而加肫也。羊正俎。用祭肺。豕加俎。當用臍肺。此豕俎與尸同。用雍人

羊俎西之北俎。

阼俎。羊肺一。祭肺一。載于一菹。羊肉。濟臂一。脊一。脊一。腸一。胃一。臍肺一。載于一俎。豕脊。臂一。脊一。脊一。膚三。臍肺一。載于一俎。

鄭注。阼俎。主人俎。無體。遠下尸也。以肺代之。肺尊也。加羊肉。濟而有體。崇尸惠。亦尊主人。臂。左臂也。侑用肩。主人用臂。下之也。不言左臂者。大夫尊。空其文也。降于侑羊體一。而增豕膚三。有所屈。有所申。亦所謂順而撫也。阼俎。司士所設豕鼎西俎也。其濟俎與尸俎同。豕俎又與尸豕俎同。

釋曰。侑無羊肉。濟尸酢主人而有之。三體降于侑。羊俎一爲屈。膚三增于主婦俎。二則申。撫之石反。猶拾也。拾取上禮用之。

主婦俎。羊左臠。脊一。脅一。腸一。胃一。膚一。膾。羊肺一。載于一俎。

鄭注。無豕體而有膚。以主人無羊體。不敢備也。無祭肺有膾。肺亦下侑也。祭肺尊。言膾羊肺者。文承膚下。嫌也。膚在羊肺上。則羊立之體名同。相亞也。其俎。司士所設在魚鼎西者。

釋曰。豕之膚猶羊之腸胃。故膚次腸胃。下羊肺上。言羊肺。嫌是豕肺。膾肺同于侑。司士牝諾。亦司士載。尸俎五魚。橫載之。侑主人皆一魚。亦橫載之。皆加膾祭于其上。

鄭注。橫載之者。異于牲體。彌變于神。膾。讀如殷。尋之。尋。劓魚時。割其腹以爲大。樹也。可用祭也。其俎又與尸豕俎同。

釋曰。食生薦神魚俎。縮俎右首。此橫于俎。則進其尾也。少儀曰。羞濡魚者。進尾。冬右腴。夏右鱗。祭膾。濡魚。此所謂魚濟。尋。或呼孤反。覆也。

卒升。

鄭注。卒。已也。已載尸羊俎。

賓長設羊俎于豆南。賓降。尸升筵自西方。坐。左執爵。右取韭菹。揆于三豆。祭于豆間。尸取麴蕡。宰夫贊者。取白黑以授尸。尸受。兼祭于豆祭。

鄭注賓長上賓

雍人授次賓疏匕與俎。受于鼎西。左手執俎左廉。縮之。卻右手執匕枋。縮于俎上。以東面受于羊鼎之西。司馬在羊鼎之東。二手執挑匕枋以挹濟。注于疏匕。若是者三。

鄭注挑謂之畝。讀如或舂或枕之枕字。或作挑者。秦人語也。此二匕者。皆有淺升狀如飯操。挑長枋。可以抒物于器中者。注猶寫也。案寫今注疏本作瀉。今文挑作枕。挹皆爲扱。

尸興左執爵。右取肺。坐祭之。祭酒興左執爵。

鄭注肺羊祭肺。

次賓縮執匕俎以升。若是以授尸。尸卻手受匕枋。坐祭。嚼之。興覆手以授賓。賓亦覆手以受。縮匕于俎上以降。

鄭注嚼濟者。明濟肉加耳。嘗之以其汁。尚味。

釋曰。此匕濟也。匕濟無肉。肉濟無汁。匕濟羊豕皆有之。豕不曰肉濟而曰豕膋。曰肉濟者。言肉初在濟中。曰膋者。明在俎時無汁。羊豕互文也。魚無匕濟。言濟魚者。明魚在濟耳。俎降以俟羞羊肉濟。

尸席末坐啐酒興。坐奠爵。拜告旨。執爵以興。主人北面于東楹東荅拜。

鄭注旨美也。拜告酒美。荅主人意。古文曰東楹之東。

司馬羞羊肉濟。縮執俎。尸坐奠爵。興取肺。坐絕祭。嚼之。興反加于俎。司馬縮奠俎于羊濟俎南。乃載于羊

俎卒載俎縮執以降。案各本作縮執俎以降。唐石經無俎字。

鄭注絕祭絕肺末以祭。周禮曰絕祭。滂使次賓肉使司馬大夫禮多崇敬也。

釋曰正俎皆橫執于席前橫設之。加俎皆縮執于席前縮奠之。羊滂俎滂字衍。下尸酢主人司馬縮奠滂俎于羊俎西。

尸坐執爵以興。次賓羞羊燔縮執俎。縮一燔于俎上。鹽在右。尸左執爵受燔。揆于鹽。坐振祭。嚼之。興加于羊俎。賓縮執俎以降。

鄭注燔炙。

釋曰羞羊燔亦當以羊肉滂之俎。鄭不言。或者自有俎與當致。主人獻尸之從獻五。籩豆一。俎二。羊匕滂三。羊肉滂四。羊燔五。侑降于尸。無羊滂羊肉滂。主人受酢從獻與尸同五。主婦與侑同三。尊卑之差也。

尸降筵北面于西楹西。坐卒爵。執爵以興。坐奠爵拜。執爵以興。主人北面于東楹東。荅拜。主人受爵。尸升筵。立于筵末。主人酌獻侑。侑西楹西。北面拜受爵。主人在其右。北面荅拜。

鄭注不洗者俱獻。閒無事也。主人就右者賤不專階。

釋曰獻間無他酢酬。故不洗也。若爵自卑者來獻尊者。則否。

主婦薦韭菹醢。坐奠于筵前。醢在南方。婦贊者執二籩。麴蕡以授主婦。主婦不興受之。奠麴于醢南。蕡在

麴東主婦入于房。

鄭注。醢在南方者。立侑爲尸。使正饌統焉。

侑升筵自北方。司馬橫執羊俎以升。設于豆東。侑坐。左執爵。右取菹。擗于醢。祭于豆閒。又取麴蕢。同祭于豆。祭與左執爵。右取肺。坐祭之。祭酒與左執爵。次賓羞羊燔。如尸禮。侑降筵自北方。北面于西楹西。坐卒爵。執爵以興。坐奠爵拜。主人荅拜。

鄭注。荅拜。拜于侑之右。

釋曰。侑與主婦無羊肉。故羊俎皆司馬設之。

尸受侑爵。降洗。侑降立于西階西。東面。主人降自阼階。辭洗。尸坐奠爵于篚。與對。卒洗。主人升。尸升自西階。主人拜洗。尸北面于西楹西。坐奠爵。荅拜。降盥。主人降。尸辭。主人對。卒盥。主人升。尸升。坐取爵酌。

鄭注。酌者。將酢主人。

司宮設席于東序。西面。主人東楹東。北面拜受爵。尸西楹西。北面荅拜。主婦薦韭菹醢。坐奠于筵前。菹在北方。婦贊者執二籩。麴蕢。主婦不興受。設麴于菹西北。蕢在麴西。主人升筵自北方。主婦入于房。

鄭注。設籩于菹西北。亦辟剛。今文無二籩。案。今注疏本脫此五字。

釋曰。菹北當設籩。豆于剛西設籩。

長賓設羊俎于豆西。主人坐。左執爵。祭豆籩。如侑之祭。與左執爵。右取肺。坐祭之。祭酒與次賓羞匕。滫。如

尸禮。席末坐啐酒。執爵以興。司馬羞羊肉。滄縮執俎。主人坐奠爵于左。興受肺。坐絕祭。臠之。興反加于滄俎。司馬縮奠滄俎于羊俎西。乃載之。卒載縮執虛俎以降。

鄭注。奠爵于左者。神惠變于常也。言受肺者。明有授。言虛俎者。羊滄俎訖于此。虛不復用。釋曰。神惠右不舉。變于飲酒也。賈氏曰。羊俎西之南俎不復用。則羞羊燔用北之豕俎。

主人坐取爵以興。次賓羞燔。主人受。如尸禮。主人降筵自北方。北面于阼階上。坐卒爵。執爵以興。坐奠爵。拜。執爵以興。尸西楹西。荅拜。主人坐奠爵于東序南。

鄭注。不降奠爵于篚。急崇酒。

侑升。尸侑皆北面于西楹西。

鄭注。見主人不反位。知將與己爲禮。

主人北面于東楹東。再拜崇酒。

鄭注。崇。充也。拜謝尸侑以酒薄充滿。

尸侑皆荅再拜。主人及尸侑皆升就筵。司宮取爵于篚。以授婦贊者。于房東。以授主婦。

鄭注。房東。房戶外之東。

主婦洗于房中。案。今注疏本作洗爵于房中。唐石經亦無爵字。出實爵。尊南西面拜獻尸。尸拜于筵上受。

鄭注。尊南西面拜。由便也。

主婦西面于主人之席北。拜送爵。入于房。取一羊鬮。坐奠于韭菹西。主婦贊者執豕鬮以從。主婦不興。受設于羊鬮之西。興入于房。取糗與腍脩。執以出。坐設之。糗在蕢西。脩在白西。興立于主人席北。西面。

鄭注。飲酒而有鬮者。祭之餘鬮。無黍稷。殺也。糗。糗餌也。腍脩。擣肉之脯。今文腍爲斷。

尸坐。左執爵。祭糗脩。同祭于豆。祭以羊鬮之柶。挹羊鬮。遂以挹豕鬮。祭于豆。祭酒。次賓羞豕匕滂。如羊匕滂之禮。尸坐啐酒。左執爵。嘗上鬮。執爵以興。坐奠爵拜。主婦荅拜。執爵以興。司士羞豕脰。尸坐奠爵。興受。如羊肉滂之禮。坐取爵。興次賓羞豕燔。尸左執爵。受燔。如羊燔之禮。坐卒爵拜。主婦荅拜。受爵。酌獻。侑侑拜。受爵。主婦主人之北。西面荅拜。

鄭注。酌獻者。主婦。今文無西面。

釋曰。亞獻之從獻五。鬮一。糗脩二。豕匕滂三。豕脰四。豕燔五。侑無鬮。與豕匕滂。主人與尸同五。

主婦羞糗脩。坐奠糗于蕢南。脩在蕢南。侑坐。左執爵。取糗脩兼祭于豆。祭。司士縮執豕脰以升。侑興取肺。坐祭之。司士縮奠豕脰于羊俎之東。載于羊俎。卒。乃縮執俎以降。侑興。

鄭注。豕脰無滂。于侑禮殺。

次賓羞豕燔。侑受如尸禮。坐卒爵拜。主婦荅拜。受爵。酌以致于主人。主人筵上拜。受爵。主婦北面于阼階。上荅拜。

鄭注。主婦易位拜于阼階上。辟併敬。

主婦設二錮與糗脩。如尸禮。主人共祭糗脩。祭錮。祭酒。受豕匕濟。拜啐酒。皆如尸禮。嘗錮不拜。

鄭注。主人如尸禮。尊也。其異者。不告旨。

釋曰。尸啐酒不拜。而云拜啐酒。如尸禮者。特牲少牢饋食禮。尸嘗錮不拜。則此尸嘗錮拜。仍爲啐酒也。或拜字衍。

其受豕脰。受豕燔。亦如尸禮。坐卒爵。拜。主婦北面荅拜。受爵。尸降筵。受主婦爵以降。

鄭注。將酢主婦。

主人降。佾降。主婦入于房。主人立于洗東北。西面。佾東面于西階西南。

鄭注。俟尸洗。

尸易爵于篚。盥洗爵。

鄭注。易爵者。男女不相襲爵。

主人揖尸佾。

鄭注。將升。

主人升。尸升自西階。佾從。主人北面立于東楹東。佾西楹西北面立。

鄭注。俟尸酌。

尸酌。主婦出于房。西面拜受爵。尸北面于佾東荅拜。主婦入于房。司宮設席于房中。南面。主婦立于席西。

鄭注。設席者。主婦尊。今文曰。南面立于席西。

婦贊者薦韭菹醢。坐奠于筵前。菹在西方。婦人贊者執麴蕡以授婦贊者。婦贊者不興受。設麴于菹西。蕡在麴南。

鄭注。婦人贊者。宗婦之少者。

主婦升筵。司馬設羊俎于豆南。主婦坐。左執爵。右取菹。揆于醢。祭于豆間。又取麴蕡。兼祭于豆祭。主婦奠爵。與取肺。坐絕祭。嚼之。興加于俎。坐挽手。祭酒。啐酒。

鄭注。挽手者于帨。帨佩巾。內則曰。婦人亦左佩紛帨。古文挽作說。

釋曰。主婦羊俎嚼肺不祭肺。故絕祭挽手。

次賓羞羊燔。主婦興受燔。如主人之禮。主婦執爵以出于房。西面于主人席北。立卒爵。執爵拜。尸西楹西。北面荅拜。主婦入。立于房。尸主人及侑皆就筵。

鄭注。出房立卒爵。宜鄉尊。不坐者。變于主人也。執爵拜。變于男子也。

上賓洗爵以升。酌獻尸。尸拜受爵。賓西楹西北面拜送爵。尸奠爵于薦左。賓降。

鄭注。上賓。賓長也。謂之上賓。以將獻。異之。或謂之長賓。奠爵。爵止也。

釋曰。奠于薦左。尸後舉之神惠。右不舉。

主人降洗觶。案。觶。今注疏本作爵。下兩實觶同。唐石經亦並作觶。尸侑降。主人奠爵于篚。辭。尸對卒洗。揖。

尸升。侑不升。

鄭注。侑不升。尸禮益殺。不從。

主人實饌。酬尸。東楹東北面坐奠爵拜。尸西楹西北面荅拜。坐祭。遂飲。卒爵拜。尸荅拜。降洗。尸降辭。主人奠爵于篚。對卒洗。主人升。尸升。主人實饌。尸拜受爵。主人反位荅拜。尸北面坐奠爵于薦左。

鄭注。降洗者主人。

釋曰。奠于薦左者。奠酬不舉也。神惠右不舉。而此左不舉者。賓尸而酬之。同于賓客。異于神惠。

尸侑。主人皆升筵。乃羞。宰夫羞房中之羞于尸。侑主人主婦皆右之。司士羞庶羞于尸。侑主人主婦皆左之。

鄭注。二羞所以盡歡心。房中之羞。其饈則糗餌粉餈。其豆則醢食糝食。庶羞。羊臠豕臠。皆有醢醢。房中之羞。內羞也。內羞在右。陰也。庶羞在左。陽也。

釋曰。內羞穀物。庶羞牲物。內羞。周禮曰。羞饈。羞豆。臠。許堯反。

主人降。南面拜衆賓于門東。三拜。衆賓門東北面。皆荅壹拜。

鄭注。拜于門東。明少南就之也。言三拜者。衆賓賤。旅之也。衆賓壹拜。賤也。卿大夫尊。賓賤。純臣也。位在

門東。古文壹爲一。

釋曰。特牲饋食禮記。私臣門東北面。

主人洗爵。長賓辭。主人奠爵于篚。興對。卒洗。升酌。獻賓于西階上。長賓升。拜受爵。主人在其右。北面荅拜。宰夫自東房薦脯醢。醢在西。司士設俎于豆北。羊骼一。腸一。胃一。切肺一。膚一。

鄭注：羊骼，羊左骼。上賓一體賤也。薦與設俎者，既則俟于西序端。古文骼爲脔。

釋曰：俟，執薦俎從賓降。鄉飲酒，司正升相旅，退立于序端。

賓坐。左執爵，右取脯，揆于醢。祭之。執爵興，取肺坐祭之。祭酒，遂飲。卒爵，執爵以興。案各本脫爵字。據唐石經補。坐奠爵拜。執爵以興。主人荅拜。受爵。賓坐取祭以降。西面坐委于西階西南。

鄭注：成祭于上，尊賓也。取祭以降，反下位也。反下位而在西階西南，已獻尊之祭。脯肺。

釋曰：賓自門東而位西階西南，猶燕禮士卒于西方，已獻而位于東方也。衆賓以下，則已獻而設薦俎于其位。

宰夫執薦以從，設于祭東。司士執俎以從，設于薦東。衆賓長升，拜受爵。主人荅拜坐祭，立飲。卒爵，不拜。既爵。

鄭注：既，盡也。長賓升者，以次第升受獻。言衆賓長拜，則其餘不拜。

宰夫贊主人酌，若是以辯。

鄭注：主人每獻一人，奠空爵于椽。宰夫酌授于尊南。今文若爲如，辯皆爲徧。

辯受爵，其薦脯醢與膾，設于其位。其位繼上賓而南，皆東面。其膾體，儀也。

鄭注。徧獻乃薦。略之亦宰夫薦。司士齊儀者。尊體盡。儀度餘骨。可用而用之。尊者用尊體。卑者用卑體而已。亦有切肺膚。今文儀皆作臙。或爲議。

乃升長賓。主人酌酢于長賓。西階上北面。賓在左。

鄭注。言升長賓。則有贊者爲之。主人酌自酢。序賓意。賓卑不敢酢。

主人坐奠爵拜。執爵以興。賓荅拜。坐祭。遂飲卒爵。執爵以興。坐奠爵拜。賓荅拜。賓降。

鄭注。降反位。

儀禮集釋卷三十

有司徹

宰夫洗觶以升。主人受酌。降酬長賓于西階南。北面。賓在左。主人坐奠爵拜。賓荅拜。坐祭。遂飲。卒爵。拜。賓荅拜。

鄭注。宰夫受主人觶。則受其虛爵奠于篚。古文酌爲爵。案。今注疏本脫此五字。

釋曰。上主人卒爵不言降。知虛爵。

主人洗賓辭。主人坐奠爵于篚。對卒洗。升酌。降復位。賓拜受爵。主人拜送爵。賓西面坐奠爵于薦左。釋曰。奠于左者。後舉之。與不僮尸之禮。奠酬同。神惠右不舉。

主人洗升酌。獻兄弟于阼階上。兄弟之長升拜受爵。主人在其右荅拜。坐祭。立飲。不拜既爵。皆若是以辯。鄭注。兄弟長幼立飲。賤不別。大夫之賓。尊于兄弟。宰夫不贊酌者。兄弟以親昵來。不以官待之。

釋曰。兄弟雖賤而親。故主人親酌之。士之兄弟長則賓。衆兄弟如衆賓。

辯受爵。其位在洗東。西面北上。升受爵。其薦膺設于其位。

鄭注。亦辯獻乃薦。既云辯矣。復言升受爵者。爲衆兄弟言也。衆兄弟升不拜受爵。先著其位于上。乃後云薦膺設于其位。明位初在是也。位不繼于主人而云洗東。卑不統于尊。此薦膺皆使私人。

釋曰。賓拜受受爵。拜既爵。衆賓及長兄弟不拜既爵。衆兄弟又不拜受爵。故別言升受爵也。兄弟已獻不變其位。特牲饋食禮。兄弟位主人之南者。士卑。故繼主人言之。士冠禮。兄弟立于洗東。西面北上。其先生之胥。折脅一膚一。

鄭注。先生長兄弟。折豕左肩之折。

釋曰。折分侑俎豕左肩之折。

其衆儀也。主人洗獻內賓于房中。南面拜受爵。主人南面于其右。荅拜。

鄭注。內賓姑姊妹及宗婦。獻于主婦之席東。主人不西面。尊不與爲賓主禮也。南面于其右。主人之位。恒左人。

釋曰。特牲主人西面。

坐祭立飲。不拜既爵。若是以辯。亦有薦胥。

鄭注。亦設薦胥于其位。特牲饋食禮記曰。內賓立于房中西墉下。東面南上。宗婦北堂。東面北上。

主人降洗。升獻私人于阼階上。拜于下。升受。主人荅其長拜。乃降。坐祭立飲。不拜既爵。若是以辯。宰夫贊主人酌。主人于其羣私人不荅拜。其位繼兄弟之南。亦北上。亦有薦胥。

鄭注。私人。家臣也。案。今注疏本無也字。所自謁除也。大夫言私人。明不純臣也。士言私臣。明有君之道。北上。不敢專其位。亦有薦胥。初亦北面在衆賓之後爾。言繼者。以爵既獻爲文。凡獻位定。

釋曰。大夫曰私人。辟君。特牲饋食禮。私臣門東北面。此亦然。既獻。乃位兄弟之南。北上。繼于兄弟。不敢別自爲列。凡專其位者。雖共方。皆別自爲上。士喪禮朝夕哭。大夫卽位于門外。西面北上。兄弟在南。南上。賓繼之。北上。是也。謁除。謂謁于君。除其課役。

主人就筵。

鄭注。古文曰升就筵。

尸作三獻之爵。

鄭注。上賓所獻爵。不言三獻作之者。賓尸而尸益卑。可以自舉。

司士羞滂魚。縮執俎以升。尸取膾祭祭之。祭酒。卒爵。

鄭注。不差魚。滂。略小味也。羊有正俎。羞。滂。肉滂。豕無正俎。魚無滂。隆汚之殺。

司士縮奠俎于羊俎南。橫載于羊俎。卒。乃縮執俎以降。尸奠爵拜。三獻北面荅拜。受爵。酌獻。佑。佑拜受。三獻北面荅拜。司馬羞滂魚一。如尸禮。卒爵拜。三獻荅拜。受爵。

鄭注。司馬羞滂魚。變于尸。

酌致主人。主人拜受爵。三獻東楹東。北面荅拜。

鄭注。賓拜于東楹東。以主人拜受于席。就之。

釋曰。賓之禮當于西階。

司士羞一清魚。如尸禮卒爵拜。三獻荅拜。受爵。尸降筵。受三獻爵。案今注疏本脫爵字。酌以酢之。
鄭注。既致主人。尸乃酢之。遂賓意。

三獻西楹西。北面拜受爵。尸在其右以授之。尸升筵。南面荅拜。受祭。遂飲。卒爵拜。尸荅拜。執爵以降。實于篚。二人洗。解升實爵。西楹西北面東上。坐奠爵拜。執爵以興。尸荅拜。坐祭。遂飲。卒爵。執爵以興。坐奠爵拜。尸荅拜。皆降。

鄭注。三獻而禮小成。使二人舉爵。序殷勤于尸。侑。

洗。升酌。反位。尸侑皆拜。受爵。舉觶者皆拜。送。侑奠觶于右。

鄭注。奠于右者。不舉也。神惠右不舉。變于飲酒。

尸遂執觶以興。北面于阼階上。酬主人。主人在右。

鄭注。尸拜于阼階上。酬禮殺。

坐奠爵拜。主人荅拜。不祭。立飲。卒爵。不拜。既爵。酌。就于阼階上。酬主人。

鄭注。言就者。主人立待之。

主人拜受。案此下各本有爵字。據唐石經刪。尸拜送。

鄭注。酬不奠者。急酬侑也。

尸就筵。主人以酬侑于西楹西。侑在左。坐奠爵拜。執爵與。侑荅拜。不祭。立飲。卒爵。不拜。既爵。酌。復立。侑拜。

受主人拜送。

鄭注言酌復位明授于西階上。

主人復筵乃升長賓侑酬之如主人之禮。

鄭注遂旅也言升長賓則有贊呼之。

至于衆賓遂及兄弟亦如之皆飲于上。

鄭注上西階上。

遂及私人拜受者升受下飲。

鄭注私人之長拜于下升受兄弟之爵下飲之。

卒爵升酌以之其位相酬辯。

鄭注其位兄弟南位亦拜受拜送升酌由西階。

釋曰卒爵受獻惟答其長拜故受酬亦其長得升受羣私人以之其位相酬耳。

卒飲者實爵于筐。

鄭注末受酬者雖無所旅猶飲。

乃羞庶羞于賓兄弟內賓及私人。

鄭注無房中之羞賤也此羞同時羞則酌房中亦旅其始主婦舉觶于內賓遂及宗婦。

釋曰。羞內賓文在私人之上。私人得酬。則內賓亦旅可知。兄弟之後生者。舉觶于其長。

鄭注。後生。年少也。古文觶皆爲爵。延熹中詔校書。定作觶。

洗。升酌降。北面立于阼階南。長在左。坐奠爵拜。執爵以興。長荅拜。

鄭注。長在左。辟主人。

釋曰。獻酬之位。主人在右。

坐祭。遂飲卒爵。執爵以興。坐奠爵拜。執爵以興。長荅拜。洗。升酌降。長拜受于其位。舉爵者東面荅拜。爵止。鄭注。拜受荅拜不北面者。僮尸禮殺。長賓言奠。兄弟言止。互相發明相待也。

釋曰。爵止。謂奠之。此爵與前主人酬賓之觶。後竝行爲無算爵。特牲饋食禮。兄弟弟子舉觶于其長。皆北面拜送。

賓長獻于尸。如初。無滄。爵不止。

鄭注。賓長者。賓之長。次上賓者。非卽上賓也。如初。如其獻侑。酌致主人。受尸酢也。無滄。爵不止。別不如初者。不使兄弟不稱加爵。大夫尊也。不用觚。大夫尊者也。

釋曰。賓長。衆賓之長。次上賓者。滄。滄魚也。特牲饋食禮。長兄弟洗觚爲加爵。衆賓長亦爲加爵。此言獻者。若三獻之外。更容有獻。優之也。用爵者。爵尊于觚。

賓一人舉爵于尸如初亦遂之于下。

鄭注一人次賓長者如初如二人洗觶之爲也遂之于下者遂及賓兄弟下至于私人是言亦遂之于下案今注疏本作故言亦遂之于下也上言無滄爵不止互相發明。

釋曰賓長獻一人舉爵皆如初無滄爵不止別其異者亦遂之于下明其同者此禮皆如上二人洗觶至卒飲者實爵于篚惟不奠爵于薦耳。

賓及兄弟交錯其酬皆遂及私人爵無算。

鄭注算數也長賓取觶酬兄弟之黨長兄弟取觶酬賓之黨惟己所欲無有次第之數也尸出侑從主人送于席門之外拜尸不顧。

鄭注拜送之。

拜侑與長賓亦如之衆賓從。

鄭注從者不拜送也。

司士歸尸侑之俎。

鄭注尸侑尊送其家。

主人退。

鄭注反于寢也。

有司徹。

鄭注。徹堂上下之薦俎也。外賓尸。雖堂上。婦人不徹。

若不僮尸。案。僮。各本作賓。據唐石經訂正。

鄭注。不僮尸。謂下大夫也。其牲物則同。不得備其禮耳。舊說云。謂大夫有疾病。攝昆弟祭。曾子問曰。攝主不厭祭。不旅。不假。不綏祭。不配布奠于賓。賓奠而不舉。而此備有似失之矣。

釋曰。厭祭。陽厭也。旅。旅酬也。假。假主人也。綏祭。主人墮減黍稷牢肉以祭也。配布奠。謂主人酬賓。奠解于薦北。賓奠。謂取解奠于薦南。舉。舉之以行旅酬也。此不僮之禮。亦具有之。

則祝侑亦如之。

鄭注。謂尸七飯時。

尸食。

鄭注。八飯。

乃盛俎。臠。臂。肫。臠。脊。橫脊。短脊。代脊。皆牢。

鄭注。盛者。盛于所俎也。此七體羊豕。其脊脊皆取一骨也。與所舉正脊。幹。髀。凡十矣。肩未舉。既舉。而俎猶有六體焉。

釋曰。俎有十一體。三脊三脅。皆二骨。既舉。而三脊三脅各遺一骨。

魚七

鄭注盛半也。魚十有五而俎。其一已舉。必盛半者。魚無足翼。于牲象脊脅而已。

釋曰。牲脊脅亦各盛半。

腊辯無髀。

鄭注亦盛半也。所盛者右體也。脊屬焉。言無髀者。云一純而俎。嫌有之。古文髀作脾。

釋云。下云。撫于魚腊俎。則腊不盡盛。亦盛半。與魚同。辯者。蓋辯盛右體也。右脛骨五。與脅骨三而八。前已舉右肩。今盡盛。其餘三脊骨亦盛焉。俎所存者。左脛骨與脅骨八箇耳。上篇云。腊一純而俎。其兩髀在祝俎。尸俎無髀。自明。不俎尸之禮。髀之所用無文。故云無髀以明之。

卒盛。乃舉牢肩。尸受。振祭。嚼之。佐食。受。加于胛。

鄭注。卒已。

佐食。取一俎于堂下。以入。奠于羊俎東。

鄭注。不言魚俎東。主于尊。

釋曰。魚在羊東。此俎又奠于魚東。繼羊言之耳。

乃撫于魚腊俎。俎釋三个。其餘皆取之。實于一俎以出。

鄭注。个。猶枚也。魚撫四枚。腊撫五枚。其所釋者。腊則短脅。正脅代脅。魚三枚而已。古文撫爲揲。

釋曰。祝主人之腊用脰體。取于所撫。則所釋者蓋三脊骨。祝主人之魚腊取于是。

鄭注。祝主人主婦俎之魚腊取于此者。大夫之禮。文待神餘也。三者各取一魚。其腊主人臂。主婦臠。祝則幣也。與此皆于鼎側更載焉。不言主婦。未聞。

釋曰。特牲。主人主婦祝皆無魚腊。下主婦俎有腊臠。此經不言主婦。未聞其義。或傳寫脫耳。尸不飯。告飽。主人拜。侑不言尸。又三飯。

鄭注。凡十一飯。士九飯。大夫十一飯。其餘有十三飯十五飯。佐食受牢舉如儻。

鄭注。舉肺脊。

釋曰。儻。謂上簋及此篇有賓尸之禮者。

主人洗酌醕尸。賓羞肝。皆如儻禮。卒爵。主人拜。祝受尸爵。尸荅拜。祝酌授尸。尸以醋主人。亦如儻。其綏祭。其綏亦如儻。

鄭注。肝。牢肝也。綏。皆當作授。授讀爲藏。其隋之隋。古文爲揆。

其獻祝與二佐食。其位。其薦。皆如儻。主婦其洗獻于尸。亦如儻。

鄭注。自尸侑不飯。告飽至此。與儻同者在上篇。

主婦反取籩于房中。執棗糗坐設之。棗在稷南。糗在棗南。婦贊者執栗脯。主婦不興受。設之。栗在糗東。脯在棗東。主婦興反位。

鄭注：棗，饋食之籩糗。羞籩之實。雜用之。賓尸也。栗脯，加籩之實也。反位，反主人之北拜送爵位。案：送，今注疏本訛作還。

釋曰：籩，人掌饋食之籩。其實棗、栗、脯。加籩之實，栗、脯。羞籩之實，糗、餌。

尸左執爵，取棗糗，祝取栗脯以授尸。尸兼祭于豆，祭酒，啐酒。次賓羞牢燔，用俎。鹽在右。尸兼取燔，揆于鹽，振祭，嗜之。祝受加于所。卒爵，主婦拜，祝受尸爵。尸荅拜。

鄭注：自主婦反取籩。案：各本脫取字。據經文補。至祝受加于所，此異于賓。

祝易爵洗酌授尸。尸以醋主婦。主婦主人之北拜受爵。尸荅拜。主婦反位。又拜。上佐食綏祭如賓。卒爵拜。尸荅拜。

鄭注：主婦夾爵拜，爲不僮尸。案：僮，今注疏本訛作賓。降崇敬。今文醋曰酌。

釋曰：士妻獻尸，不夾爵。內子獻尸，夾爵拜。下大夫不僮尸，雖與士同，仍同內子夾爵拜。

主婦獻祝，其酌如僮。拜坐受爵。主婦主人之北荅拜。

鄭注：自尸卒爵至此，亦與僮同者，亦在上篇。

釋曰：經無尸卒爵之文。鄭注云：尸者，以經有卒爵之文多，故言尸以別之也。

宰夫薦棗糗。坐設棗于菹西。糗在棗南。祝左執爵。取棗糗祭于豆。祭酒。啐酒。次賓羞燔。如尸禮。卒爵。鄭注。內子不薦籩。祝賤使官可也。自宰夫薦至賓羞燔。亦異于僎。

釋曰。特性主婦設籩。

主婦受爵。酌獻二佐食。亦如僎。主婦受爵。以入于房。賓長洗爵獻于尸。尸拜受。賓戶西北面荅拜。爵止。

鄭注。尸止爵者。以三獻禮成。欲神惠之均于室中。是以奠而待之。

主婦洗于房中。酌致于主人。主人拜受。主婦戶西北面拜送爵。司宮設席。

鄭注。拜受乃設席。變于士也。

主婦薦韭菹醢。坐設于席前。菹在北方。婦贊者執棗糗以從。主婦不興受。設棗于菹北。糗在棗西。佐食設俎。臂脊肺皆牢。膚三魚一腊臂。

鄭注。臂左臂也。特性五體。此三者以其牢與腊臂而七。牢腊俱臂。亦所謂腊如牲體。

主人左執爵。右取菹。擗于醢。祭于豆閒。遂祭籩。奠爵。興取牢肺。坐絕祭。嚙之。興加于俎。坐挽手。祭酒。執爵以興。坐卒爵拜。

鄭注。無從者。變于士也。亦所謂順而撫也。

主婦荅拜受爵。酌以醋。戶內北面拜。

鄭注。自酢不更爵。殺。

主人荅拜。卒爵。拜。主人荅拜。主婦以爵入于房。尸作止爵。祭酒。卒爵。賓拜。祝受爵。尸荅拜。

鄭注。作止爵。乃祭酒。亦變于士。自爵止。至作止爵。亦異于儻。

釋曰。一止爵。順上大夫。儻尸之禮也。特牲饋食禮。再止爵。

祝酌授尸。賓拜受爵。尸拜送。坐祭。遂飲。卒爵。拜。尸荅拜。獻祝及二佐食。洗。致爵于主人。

鄭注。洗。致爵者。以承佐食。賤新。

主人席上拜受爵。賓北面荅拜。坐祭。遂飲。卒爵。拜。賓荅拜。受爵。酌。致爵于主婦。主婦北堂。司宮設席。東面。

鄭注。北堂。中房以北。東面者。變于士妻。賓尸不變者。賓尸禮異矣。內子東面。則宗婦南面。西上。內賓自

若東面南上。

釋曰。特牲饋食禮。主婦房中南面。宗婦北堂東面北上。內賓西墉下東面南上。宗婦與主婦易處。宗婦

統于主婦。今西上。

主婦席北東西拜受爵。賓西面荅拜。

鄭注。席北東面者。北爲下。

婦贊者薦韭菹醢。菹在南方。婦人贊者執棗糗。授婦贊者。婦贊者不興受。設棗于菹南。糗在棗東。

鄭注。婦人贊者。宗婦之弟婦也。今文曰。婦也。贊者執棗糗。授婦贊者。不興受。案。今注疏本脫此十七字。

佐食設俎于豆東。羊臠。豕折。羊脊。脅。祭肺一。膚一。魚一。腊臠。

鄭注豕折豕折骨也。不言所折略之。特性主婦殺折豕無脊脅。下主人羊豕四體與腊臠而五。

釋曰下文絕祭則離肺也。曰祭主人以下肺。或者因而名之乎。特性禮其用以祭皆離肺。

主婦升筵坐左執爵右取菹揆于醢祭之。祭籩奠爵興取肺坐絕祭嚼之興加于俎坐挽手祭酒執爵興筵北東面立卒爵拜。

鄭注立飲拜既爵者變于大夫。

賓荅拜賓受爵易爵于篚洗酌醋于主人戶西北面拜主人荅拜卒爵拜主人荅拜賓以爵降奠于篚。

鄭注自賓獻及二佐食至此亦異于儻。

釋曰上篇賓長獻不及佐食此賓長獻節內有十爵獻尸一主婦致爵于主人二主人酢主婦三尸酢賓四賓獻祝五獻上佐食六下佐食七賓致爵于主人八于主婦九賓受主人酢十

乃羞宰夫羞房中之羞司士羞庶羞于尸祝主人主婦內羞在右庶羞在左主人降拜衆賓洗獻衆賓其薦香其位其酬醋皆如儻禮主人洗獻兄弟與內賓與私人皆如儻禮其位其薦香皆如儻禮卒乃羞于賓兄弟內賓及私人辯。

鄭注自乃羞至私人之薦香此亦與儻同者在此篇不儻尸則祝猶侑耳卒已也乃羞者羞庶羞。

釋曰儻尸之禮羞于侑不儻尸則羞于祝賓以下無內羞。

賓長獻于尸尸醋獻祝致醋賓以爵降實于篚。

鄭注。致。謂致爵于主人主婦。不言如初者。爵不止。又不及佐食。

賓兄弟交錯其酬。無算爵。

鄭注。此亦與儻同者。在此篇。

釋曰。特牲饋食禮。堂下別尊。旅酬無算爵。兩有之。下大夫不敢同君禮。闕旅酬。直爲無算爵而已。兄弟舉觶于其長。亦當如儻禮。在羞于私人之後。賓長加獻之前。文不具耳。

利洗爵獻于尸。尸醋。獻祝。祝受祭酒。啐酒。奠之。

鄭注。利獻不及主人殺也。此亦異于儻。

釋曰。上篇此篇皆無佐食獻。

主人出立于阼階上。西面。祝出立于西階上。東面。祝告于主人曰。利成。祝入。主人降立于阼階東。西面。尸謾。祝前。尸從。遂出于席門。祝反。復位于室中。祝命佐食徹尸俎。佐食乃出尸俎于席門外。有司受歸之。徹阼薦俎。

鄭注。自主人出至此。與儻雜者也。先蕞徹主人薦俎者。變于士。特牲饋食禮曰。徹阼俎。豆籩。設于東序下。

乃蕞如儻。

鄭注。謂上篇自司宮設對席。至上餽興出也。古文蕞作餽。

卒羹有司官徹饋饌于室中西北隅南面如饋之設右几匪用席。

鄭注官徹饋者司馬司士舉俎宰夫取敦及豆此于尸謾改饌當室之白孝子不知神之所在庶其饗之于此所以爲厭飫不令婦人改徹饌敦豆變于始也尙使官也佐食不舉羊豕俎親餞尊也匪隱也古文右作侑匪作菲。

釋曰主婦獻祝宰夫薦宰夫多主主婦之事故敦豆宰夫徹之特牲饋食禮佐食徹尸薦俎敦納一尊于室中。

鄭注陽厭殺無玄酒。

司宮埽祭。

鄭注埽豆閒之祭舊說云埋之西階東。

釋曰神位在西故埋近西階也曾子問凡幣帛皮圭爲主命埋之階閒主人出立于阼階上西面祝執其俎以出立于西階上東西司宮闔牖戶。

鄭注閉牖與戶爲鬼神或者欲幽闇。

祝告利成乃執俎以出于廣門外有可受歸之衆賓出主人拜送于廣門外乃反。

鄭注拜送賓者案賓下今注疏本有也字亦拜送其長不言長賓者下大夫無尊賓也。

婦人乃徹。

鄭注。徹祝之薦及房中薦俎。不使有司者。下上大夫之禮。
徹室中之饌。

鄭注。有司饌之。婦人徹之外。內相兼禮殺。